

THEODVLI

C V M

THEOPISTO

CONGRESSIONES DVÆ,
PRIMA DE CONTROVERSIIS

QVIBVS IMPRÆSENTIARVM
FACVLITAS THEOLOGIÆ PARISIENSIS

OCCVPATVR.
ALTERA DE PVRGATORIO.

Transp.^{ne}



Habitæ PARISIIS,

Anno Dom. M. DC. LXV.

CVM PERMISSIONE ET APPROBATIONE.

SVNT qui iustissimè damnatas impietates adhuc liberiùs defendendas putent: & sunt qui occultius penetrent domos, & quod in aperto iam damnare metuunt, in secreto seminare non quiescunt: sunt autem qui omninò silverunt magno timore compressi: sed adhuc in corde retinent, quod ore iam proferre non audent; qui tamen esse possunt fratribus ex priorè ipsius dogmatis deffensione notissimi. Proinde alij severiùs coercendi: alij virgultiùs vestigandi: alij tractandi quidem leviùs, sed non segniùs docendi: ut si non timentur ne perdant; non tamen negligantur, ne pereant. *August. Ep. 105. Sixto Presb.*

THEODVLI

CVM

THEOPISTO

CONGRESSIO

DE CONTROVERSIIS QVIBVS

Impræsentiarum Facultas Theologiæ Parisiensis
occupatur.

HEODVLVS, Quid mente versas
THEOPISTE, video te solitò tristiorem?
THEOPISTVS, Reverà sum: displicent enim
plurimum illæ Theologorum nostrorum
contentiones, nusquam, ut opinor, finiendæ;
non de leviusculis, aut problematicis quæstionibus: sed
de gravioribus fidei nostræ dogmatibus, quibus ipsa, per
quam ad Deum accedimus, maioribus nostris, semper
inniti visa est; videlicet de ipsa Ecclesiæ Petra, super
quam à Christo fundata est. Ad quid namque tot verbo-

A ij

rum contentiones? Nisi ad subversionem audientium, & scandalum pusillorum? THEOD. ô virum in fide fortem! recordare quæso nominis tui, quod firmam atque inviolabilem Deo ejusque Ecclesiæ fidem & obedientiam semper & ubique præstandam, memoriæ tuæ perpetuò ingerit. Times, ni fallor, ne Cælum ruat, dum illud ventis, nimbis, atque procellis undiquè concussum vides?

THEORIST. Non equidem timeo: nimis enim stabili lege firmatum, tam naturali rationis, quàm divino fidei lumine didici. Lego in scripturis, quòd *verbo domini Cæli firmati sunt, & spiritu oris eius omnia virtus eorum*: lego, quòd, *ordinatione illius perseverat dies & omnia serviunt ei*.

Ordinatio autem illa naturalis cum sit, nec à flexibili in omnem aërem humanā voluntate dependeat, nulli temporum caducitati est obnoxia. At Ecclesia; morale est seu mysticum quoddam corpus; libera hominum fide in Deum compactum atque connexum, quod facili negotio dissolui potest. Nemo enim, ut ait, Augustin. *invitus credit, aut benefacit*. THEODVL. Ergo times, ne Ecclesia dissolvatur & pessum eat, quasi non eodem Verbo Dei sitet reposita? Audisti regium psalterium sæpius in Ecclesia canentem: *Deus fundavit eam in æternum*? Audisti dominum proprio ore promittentem, portas inferi nusquam adversus eam prævalituras. Portas autem inferi Hilarius & alij Sancti Patres, vocant hæreticos, schismaticos & alia ejusdem farinae monstra. *Verbum autem Dei manet in æternum*, inquit Isaias. Et dominus in Evangelio: *Cælum & terra transibunt verba autem mea non præteribunt*. Ut intelligas prius Cælos, terram & elementa, in primam favillam

5
esse reidgenda, quàm Ecclesiam Christi sponsam, non dicam expugnandam, sed vel tantillum labefactandam. Nihil ergo timendum Ecclesie, quæ Navis est illa Evangelica, in cujus puppi Christus dormit, licet undique tempestatibus agitur, aut fluctibus obrui videatur;
Modica fidei quare ambitasti?

THEOPIST. Sane non dubitavi. THEOD. Scitè admodum respondisti: nemo enim sanæ mentis, potest in hac materia dubitare: at saltem hæsitasti: siquidem te vidi mente suspensum & attonitum: suspensus autem ad dubium accedit. Animum resumas velim. Atque ut faciliori negotio id assequaris, Regios plantarum hortos, aut vineenatum nemus adeamus, quo aère liberiori atque puriori recremur, & in moderata de ambulatione nostra, de his omnibus, quid Sentiam fiducius tibi aperiam.

THEOPIST. viciniore his omnibus D. Victoris peramœnæ de ambulationes sunt, præstat nos illuc ire: nam & ad manum habebimus opulenti illius Bibliothecæ copiam, cujus libros, si necesse sit consulere poterimus.

THEOD. placet tuum consilium: eamus.

THEOPIST. cedo, amantissime *Theodote*; non te movent quæ audis, quæ vides, quorum etiam pars magna tu es? scio enim te unum esse ex illis, in quem animi sui virus, & lingua & calamo evomunt, qui dicuntur Iansenistæ, quem si possent longe à facultate eliminarent: non te movet sanctimonialium illarum Regalis-Portus (alias Pietatis ac Religionis titulo insignium) pertinacia, qua & Supremi Pontificis constitutionibus, & Regijs diplomatibus, & iteratis Illustrissimi Archiepiscopi sui iussionibus

adeo obfirmato animo resistunt, vt & absolutionis peccatorum suorum (nec enim eas in eo errore esse dixerim, vt se sine peccato esse exilliment: insignis enim mendacij Ioannes Apostolus eas insimularet) Beneficio & Sacri Corporis Christi communione, etiam in Paschate privare, id est semetipsas Anathemate ferire maluerint, quam obedire? non te movent famosorum librorum adversus Illustrissimum Archiepiscopum Parisiensem farra- gines, quas pro illarum incauta defensione insolens Rhetor effutire non desinit? Non afficit quatuor Episcoporum à totius Cleri Gallicani, imo & totius Ecclesiæ Catho- licæ & Romanæ communione & consensu, manualis sui chyrographi denegatione, segregatio? non demum qua- tiunt animum tuum Theses illæ de Purgatorio, & de Indulgentijs prima Iunij elapsi, magno totius Facultatis silentio propugnatae: quibus antiqua *de Purgatorio*, & *de Indulgentijs* Doctrina Catholica, tota convellitur; quæ etiam inter Magistros nostros Patronos invenit? cum- que, quod pejus est, vnus ex S. S. M. M. nostris prima Iulij sequentis postulasset vt ad limam revocarentur, tu- multu & expostulatione adversus Venerabilissimi iuxta ac maximè Catholici Doctoris libros vix vlli non probatos (quod moris est omnium hæreticantium & Hæreticorum). responsum adque conclamatum est. Non tandem invicta mens tua concutitur cum vides oculis, & manu tangis vnum ex his Bacalaureis quos Iansenistarum conductitijs (iure meritissimo) appellant, quod cum præ tenuiori re Domestica sine subdio alieno ad lauream magistralem as- cendere non valiant, abundantissimè à Portus-Regalis

pena eis subministretur : Istum, inquam, eò temeritatis devenisse, ut Thesim quam pro actu ~~Baccalaurei~~ Sorbonico die septima currentis Augusti deffensus erat, damnata Iansenij Doctrina, partim subtili artificio, fucata, partim evidenti & aperta refercire ausus fuerit. Passus est quidem repulsam ex parte Sapientissimorum Magistrorum Decani & aliorum ætate & Doctrina gravissimorum : sed tamen mirum quod adhuc inibi deffensores invenerit : quòd argumento est non inevidenti, adhuc venenum sub viperæ lingua delitescere, & occasionem quærere ut feriat, Num igitur iustate non movent, non afficiunt?

THEODVL. afficiunt quidem : sed compassione, pro cæcitate hominum, qui se videntes jactitant, & mœrere, pro Ecclesiæ scandalo ; inde graviore, quo his celeberrimæ totius Ecclesiæ Theologicæ Facultatis partialitatibus, divisionibus atque contentionibus, Hæreticorum tela adversus eius unitatem, & subtilius acuuntur, & vibrantur vehementius ; De cætero, nulla me admiratione aut perturbatione commovent ; cum in his omnibus nihil aliud deprehendam, quàm Priscorum Etherodoxorum trita vestigia quibus me parum aut nihil, affici debere, dudum admonuit Gravissimus Auctor Tertulianus primo libri sui de præscriptionibus adversus Hæreticos capite. Quæso patienter illum audias : totus enim mihi videtur compositus ad præsentem mentis tuæ statum confirmandum.

THEOPIST. Nedum patienter, sed libenter & jucundè utramque præstabo aurem.

THEODVL. *Conditio, inquit ille, præsentium temporum etiam hanc admonitionem prævocat nostram, non oportere nos*

mirari super Hæreses istas; siue quia sunt: future enim præ-
 ciabantur: siue quia fidem quorundam subvertunt: adhuc enim
 sunt, ut fides, habendo tentationem, habeat etiam probationem.
 Vanè ergo & inconsideratè plerique hoc ipso scandalizantur, quod
 tantum hæreses valeant, quantum sint: cum quid quid sortitum
 est ut omnimodo sit sicut causam accipit ob quam sit; sic vim conse-
 quitur per quam sit, nec esse non possit. Fibrem denique inter
 ceteros mortiferos aut cruciarios exitus erogando (id est urendo)
 homini deputatam: neque quia est miramur: est enim. Neque
 quia erogat (id est adurit) hominem: ad hoc enim est (scilicet
 ut exurat.) Proinde hæreses ad langorem & interitum fidei pro-
 ductas, si expauescimus hoc eas posse: prius est ut expauescamus
 hoc eas esse, quædum sunt, habent posse.

Capis, ni fallor auctoris mentem, & subtilissimi ingenij
 acumen; in hoc situm: quod ut ex Philosophia benè nosti,
 vnum quodque in tantum agit, in quantum est actu: &
 quidquid est, est propter suum operari: ita, ut propria rei,
 & naturalis operatio sit vltima eius perfectio: vnde &
 voluptas nascitur, quæ est summa & completa ejus bea-
 titudo: hinc Augustini libro decimo Confessionum
 Capite vigesimo tertio, beatitudinem nostram definit,
 Gaudium de veritate. Cum ergo hæreses sint necessariæ ad
 electorum siue probatorum manifestationem: eum sunt,
 non possunt non habere effectum suum formalem. Effec-
 tus verò formalis hæreseos est fidei corruptio, per immo-
 deratum concupiscentiæ ardorem; sicut febris est humo-
 rum seu iusti temperamenti corporis nostri alteratio, per
 immoderatam inflammationem bilis deflagrationem. Vnde
 Apostolus quinto ad Galatas: contentiones, emulationes,
 iras,

9

iras, rixas, dissensiones & Sectas, id est Hæreses, inter opera carnis recenset.

THEOPIST. Mirum in modum gravissimi juxta ac acutissimi hujus auctoris Doctrinâ reficior: perge quæso.

THEODVL. Sed enim, inquit, febrem ut malum, & de causa sua, & de potentia sua, ut notum est, abominamur, potius quam miramur, & quantum in nobis est pracavemus; non habentes abolitionem eius in nostra potestate. Hæreses verò, mortem eternâ & majoris ignis ardorē inferentes, malunt quidam mirari, quod hoc possint, quàm devitare ne possint, cum habeant devitandi potestatem.

THEOPIST. Video hæreses ut febres, & quidem pestilentes fugiendas esse: nec mirum si Apostolus hæreticum hominem post unam aut alteram correptionem devitandum jussit, & si Ioannes recipiendum in domum, & consalutandum prohibuerit. Longè igitur & citò à pestilente hoc aëre fugiamus, & tardè ad eum redeamus, quòd medici solent consulere pestis tempore.

THEODVL. Audi quæso & intellige in quos hæc lues vim suam exerat, ex eodem perversto hereticorum malico. Caterùm nihil valebunt, si illas tantum valere non miremur. Etenim, pro aut enim, Dum mirantur, in scandalum subministrantur: aut quia scandalizantur ideo mirantur, quod tantum valeant, quasi, ex aliqua veritate veniant; mirum scilicet, ut malum vires suas habeat: nisi quod hæreses apud eos multum valent, qui in fide non valent: nihil valentes, si in fidem bene valentem incurrant. Mentem auctoris assequere obsecro. Docet non aliud præsentius remedium esse contra hæreses, quàm si eas non miremur tantum valere. Aut enim ex admiratione nascitur scandalum seu offendiculum: aut

B

ex jam concepto offendiculo, admiratio: quasi ex alicujus veritatis virtute, & non potius ex fidei nostræ imbecillitate venirent tot hæresicæ perversitatis mentium de populationes. Nihil ergo Ecclesiæ ab hæresis malignitate timentum, sed nobis & præsertim infirmis in fide plurimum cavendum. *Æterna custodia vigilas*, Christus ei promisit, ex Zenone Veronensi cum dixit. *Eccē ego vobiscum sum usque ad consummationem sæculi*: &, *Discipulos semper victuros, eisdem verbis ostendit, seque à credentibus nunquam recessurum*: Ut docet Hieronimus; victuros inquam Apostolos usque ad consummationem sæculi: non personam quæ ut aliorum hominum divine providentiæ fati cessit, sed officio: Nam Petrus, Paulus, Andræas, & cæteri Apostoli, defuncti sunt: at semper in successoribus vivunt: vigebitque usque ad cōsummationem sæculi sedes & fides Apostolica Romæ fundata. *Vnde*, ait idem Tertul. eodem lib. *Nobis quoque auctoribus præsto est, statu felix Ecclesia, cui totam Doctrinam Apostoli cum sanguine suo profuderunt*. In hujus veritatis confirmationem Christus à Ioanne Capite primo Apocal. visus est ambulare in medio septem candelabrorum aureorum, & manu septem Stellas gestare. Septem candelabra, septem Ecclesias: & septem Stellas, septem Angelos, id est septem Antistites septem Ecclesiarum, idem Ioannes interpretatur. *Septenario autem illo numero, Doctissimus Abbas Rupertus, unicam Ecclesiam Catholicam, Sancto septiformi Spiritu ordinatam & ornatam, sapientissimè intelligit. Qui ergo ambulat in medio Ecclesiæ non dormit, sed vigilantī studio eam custodit, nec extinguī lucernas super hæc candelabra positas patietur: sed*

divino fidei lumine accensas tenebit : qui dextera complectitur eius presules, non sinet eos excidere juxta verbum istud Ioan. 10. *Pater meus quod dedit mihi, majus omnibus est : & nemo potest rapere de manu Patris mei.* Vide quæso quomodo se manum Patris dicat. Vnde & subjicit : *ego & Pater unum sumus* Quid porro majus omnibus est? nisi Ecclesia, quam dedit ei Pater Sponsam ; pro qua & mortuus est, ut exhiberet sibi eam gloriosam non habentem maculam aut rugam. Huic mundandæ, hæreses necessariæ sunt, ut ventus aræ ad tritici purgationem. Securi ergo ex hac parte dormiamus. At plurimum nobis ipsis prospiciamus, ne ex numero acerum, aut palearum simus, quæ vento abripiuntur. Hac de re præmonitos nos esse voluit Deus in Sacris veteris Testamenti paginis, teste Vincentio Lirinensi Ecclesiæ nostræ Gallicanæ celeberrimo Doctore 1. sui Common. lib. cap. 15. verba illius ex meo fidelissimo codice excipe.

Dicit aliquis, cur persæpè sinantur excellentes quedam persone in Ecclesia constitutæ, res novas Catholicis adnunciare? recta interrogatio, & digna quæ diligentius atque uberius pertractetur: cui tamen non ingenio proprio, sed Divinæ Legis auctoritate Ecclesiastici Magistri documento satisfaciendum est. Audiamus ergo Sanctum Moysen, & ipse nos doceat, cur Sancti Viri, & qui propter scientiæ gratiam ab Apostolo etiam Propheta nuncupantur, proferre interdum permittantur nova dogmata, quæ Vetus Testamentum, Deus alienos appellare consuevit : eò quod videlicet ita ab hæreticis ipsorum opiniones, sicut à Gentilibus, Dii sui observentur.

Scribit ergo in Deuteron. B. Moyses si surrexerit in medio tui Prophetæ, qui somnium vidisse se dicat, id est Magister in Ecclesia

constitutus, quem Discipuli vel Auditores sui ex aliqua revelatione docere arbitrentur, & prædixerit signum aut portentum, & evenerit quod locutus est. Magnus profectò nescio quis significatur Magister, & tantæ scientiæ, qui sectatoribus proprijs, non solum quæ humana sunt, nosse: verùm etiam quæ supra hominem sunt prænoscere posse videatur quales ferè Discipuli sui jactant fuisse Valentinum, Donatum, Photinum, Apolinarem, & ceteros ejusmodi: quos inter, post Apostolicas Innocentij & Alexandri Constitutiones ac Ecclesiæ Universalis consensum Iansenium eiusque Sectatores adnumerare legitimè potes: & dixeris tibi eamus & sequamur Deos alienos quos ignoras, & serviamus eis, id est, credamus eis, sequamur eos; Quid ad extremum? non audies inquit verba Propheta illius aut somniatoris. Et quare, oro te, à Deo non prohibentur doceri, quæ à Deo prohibentur audiri? quia, inquit, tentat vos Dominus Deus vester, ut palam fiat, utrum diligatis eum, an non ex toto corde vestro, & in tota anima vestra?

Luce clarius aperta causa est, cur interdum divina providentia, quosdam Ecclesiarum Magistros; nova quadam dogmata prædicare patiantur; ut tentet vos, inquit, Dominus Deus vester. Et profectò magna tentatio est, cum ille quem tu Prophetam, quem Prophetarum Discipulum, quem Doctorem & assertorem veritatis, quem summa veneratione complexus sis, is sis subito latenter noxios subinducat errores, quos, nec cito deprehendere valeas, dum antiqui Magistri ducis præjudicio: & facile damnare ducis fas, dum Magistri veteris præpediris affectu. Hactenus Lirinensis qui ut ipse secundo libro profitetur triennio post sacram Ephesinam Synodum scribebat. Quid adhuc Theopiste.

THEOPIST. probè intelligo ex hoc loco auctoris omni

fide ac veneratione dignissimi, quod me alias docuit Apostolus ad Ephesios scribens: eos videlicet, quorum in cordibus Christus per fidem habitat, quique in charitate fundati & radicati sunt nullo novæ doctrinæ flatu esse circumferendos. *Et non sumus*, inquit, *parvuli fluctuantes, & circumferamur omni vento doctrinæ in nequitia hominum in astutia ad circumventionem erroris: sed solum pulverem ex Christi area his ventis esse excutendum, sicut & mare ventis, procellis & agitatione, suis purgatur excrementis.* Sed quoniam ut à te citatus, Tertulianus docet, *Fides in regula posita est, ultra quam nihil scire, omnia scire est.*: age dum & mihi obsecro certum proferas canonem, quo dignoscere possim profanas hæreticorum novitates, ab antiquis fidei aut doctrinæ Catholicæ dogmatibus. Nihil enim & antiquius omnibus Sæctarijs & hæreticis, quam veterem Ecclesiæ Traditionem, mores & pietatem, quasi propriam sibi præripere, vindicare, & ventilare.

THEOD. duplicem affert Vincentius præcitatus cap. 1. lib. 1. Primam, divinæ legis auctoritatem, alteram Ecclesiæ Catholicæ Traditionem: at quoniam, ut docet D. Petrus 2. Can. cap. 1. *hoc primum intelligere debemus, quod omnis prophetia, hoc est expositio aut intelligentia scripturæ, Propria interpretatione non fit: sed ab eodem spiritu qui illarum auctor est: qui quidem spiritus universalis Ecclesiæ, & eius Capiti promissus & concessus est, ut maneat nobiscum æternum: cumque ex altera parte, ut ipsemet agnosci, omnes novatores Ecclesiæ Traditionem sibi arrogent & æmulentur; hanc investigandæ veritatis Catholicæ, re-*

gulam præfinit: si id teneamus: *quod ubique, quod semper, & quod ab omnibus creditum est.* Tribus verbis: si sequamur, *universitatem, antiquitatem, consensionem.* Universitatem, si hanc unam & veram fidem esse fateamur, quam tota per orbem terrarum confitetur Ecclesia. Antiquitatem, si ab ijs sensibus nullatenus recedamus, quos Majores ac Patres nostros celebrasse manifestum est. Consensionem, itidem, si ipsa vetustate, omnium vel certe penè omnium Sacerdotum pariter & Magistrorum definitiones, sententiasque sectemur.

THEOPIST. Vbi, amabo, consensionem illam mihi reperiēs? nec in ipsis Concilijs plenarijs & universalibus visa est: semper enim aliqui dissentiunt ab universali multitudine. Testes sunt in hoc ipso negotio, quatuor illustrissimi scientiā, pietate, ut & dignitate, Episcopi, qui à totius non dicam Cleri Gallicani tantum: sed etiam Ecclesiæ Catholicæ, Apostolicæ, & Romanæ consensu recesserunt.

THEODVL. Non officiunt pauci numero, universæ multitudini longè majori. Qui pertinaciter cæteris resistunt, ipsi se segregant, & proprio judicio damnati, ab Ecclesiæ corpore, gladio obstinatæ voluntatis se se abscindunt.

THEOPIST. Num habes aliquam regulam certam hujus obstinatæ mentis agnoscendæ, quæ tandem hæreticos, ab Orthodoxis & Catholicis possimus certò dignoscere, & inde postmodum devitandos fidelibus populis designare?

THEODVL. Habeo haud dubiè ad manum: ingrediamur sacri hujus Musæi Librariam: nam & hodiè omnibus patet: inveniemus dudum à me perlecta opera celeberrimi, pietate & doctrina in nostra facultate Cancellarij, Ioannis Gersonis opera, quorum in prima parte æditionis Paris.

an. 1606. pag. 414. & 430. duæ extant Opelle, quæ proposi-
tæ tuæ quæstioni planè ac plenissimè satisfacient : præ-
cedam tu sequere.

THEOPIST. Expedit forrè ut accepto calamo opuscula
describam quæ post modum attentius apud me relegere,
& si occasio se se offerat cum alijs, quæ eisdem fluctibus
dubietatis agitantur communicare possim.

THEODVL Expedit omninò, excipe igitur dum dicto,
prioris titulus sic habet.

*Sequuntur duodecim considerationes secundum totidem signa, quibus
solet aliquis de pertinacia notari vel convinci circa
materiam hæreti. & pravitatis, præmittendo qualis sit
pertinacia definitio vel ratio.*

„ 1. **C**ONSIDERATIO pertinaciæ propriæ ratio, quæ
„ errantem in fide, seu hæreticantem, efficit hæ-
„ reticum, consistit in depravatione voluntatis per su-
„ perbiam aut aliud officium, dum non vult errans,
„ cautâ sollicitudine quærere veritatem, aut dum perspe-
„ ctæ monstratæque renuitt assentire, vel errorem di-
„ mittere. Dicitur enim pertinax, secundum Isidorum,
„ quasi imprudenter tenax, qui persistit in illo quod debet
„ dimittere cæterum pertinaciæ signum multiplex in-
„ venit.

„ 2. *Confid.* Cum quis sustinet Excommunicationem vl-
„ tro, nec potest se sufficienter excusare : & hoc sumitur
„ ex iuris præsumptione.

„ 3. *Confid.* Alterum cum citatus pro levi super fide etiam

„ suspicione iudicialiter reuocari comparere, vel respondere.
 „ Et amplius si sit præsumptio, vehemens aut violenta;
 „ Et hoc similiter oritur ex iuris fictione.

„ 4. *Confid.* Tertium dum quis asserit, & defendit erro-
 „ rem cuius oppositam veritatem tenetur explicitâ fide
 „ tenere: tenetur inquam vel ex publica observatione,
 „ vel ex communi doctrina Ecclesiæ, vel ex officio seu
 „ statu suo, vel ex informatione sufficienti, vel ex natu-
 „ rali iudicio rationis; quemadmodum quilibet capax ra-
 „ tionis tenetur explicitè credere, nedum articulos fidei, si
 „ sit Christianus, sed etiam principia legis naturalis, quæ
 „ sunt de primis impressionibus & inscriptionibus indele-
 „ bilibus, vt sunt Præcepta Decalogi recepta secundum
 „ planum & vñitatum intellectum, apud omnes vtentes
 „ ratione non depravata inquacumque lege.

„ 5. *Confid.* Quartum pertinaciæ signum dum quis ve-
 „ ritatem fidei, nedum non quærit cautâ sollicitudine:
 „ sed declarationem eius impedit ne veniat ad lucem; ma-
 „ ximè si Concilium fidei specialè vel generalè propter
 „ hoc in se vel in suis impedit; directè vel indirectè mole-
 „ ster atque persequatur.

„ 6. *Confid.* Dum quis veritatem Ecclesiæ docentes, seu
 „ determinantes odisse se monstrat, & persequi, verbis
 „ atque factis: etiam si dicat atque protestetur, se velle
 „ tenere quod Ecclesia tenet vel determinabit, & quia
 „ paratus est stare iuri: quia si facta contradicant; hoc est
 „ æquitas simulata, quæ duplex est iniquitas. Solent etiam
 „ quantum liber hæretici taliter protestari, se Catholicos
 „ esse: quod eos ab heresi non excusat.

7. *Confid.*

„ 7. *Confid.* Dum quis negat veritatem quam prius docuit
 „ vel confessus est : nec est probabile quod sit etiam obli-
 „ tus : *quoniam secundum iura primo dicto credi debet.*

„ 8. *Confid.* Dum quis petit declarationem veritatis à pe-
 „ ritis Doctoribus, seu Iudicibus, quæ dum facta est, ni-
 „ hilominus repudiat, nulla penitus assignata ratione.

„ 9. *Confid.* Dum quis potens commovet seditiones,
 „ suscitatur bella in populis & regnis, ideo quia facta est
 „ alicujus veritatis Catholicæ declaratio, vel erroris re-
 „ probatio.

„ 10. *Confid.* Dum quis iurat se male mori quam contra
 „ honorem suum quidquam permittere fieri, vel errorem
 „ aliquem revocare : ponit enim obicem primæ veritati.

„ 11. *Confid.* Dum quis fovet errantem, & defendit judi-
 „ cialiter, sciens nihilominus, aut scire debet, hunc errare.

„ 12. *Confid.* Dum quis non resistit erroribus, dum potest
 „ & debet : debet inquam, vel ex officio ut iudex : vel ex
 „ fraterna charitate, sicut universi : quoniam agentes &
 „ consentientes, secundum Apostolum, pari pœna pu-
 „ niuntur. Consentient autem, qui alios dum possunt (ut
 „ dicit Canon.) ab errore non revocant. Denique ista la-
 „ tius declarat, Okam 4. parte 1. Dialogorum, secundum
 „ quæ signa poterit applicatio particulariter fieri.

THEOPIST. Quæso mi Theodoule remittamus hanc ap-
 plicationem in serotinum tempus, dum vero ad manum
 habemus calamum excipiamus & alteram lucubrat juncu-
 lam. primo enim intuitu, miram in mentem meam dum
 scriberem, hæc prior lucem iniecit.

TAEODYL. Faciam libens. Scribe velocius titulum.

C

DECLARATIO COMPENDIOSA.

Quæ veritates sint de necessitate salutis credendæ , quæ de sola probabilitate tenendæ , quæ de pietate fidei reputandæ , & quæ sint impertinentes judicandæ : & hoc sub distinctione vel gradu sextuplici, qui ad quaternarium reducitur.

„ 1. **G**radus veritatum credendarum est Canon totius
 „ Scripturæ Sacræ , & singulorum qui in ea litera-
 „ liter asserta sunt : sic videlicet , quod non stat cum fide,
 „ ut aliquis dissentiat pertinaciter , alicui contentio in ea-
 „ dem Scriptura , ad intellectum Spiritus Sancti , qui est
 „ verè & propriè sensus literalis. Si allegatio quæritur suf-
 „ ficit illud Mathæi, 5. *Amen dico vobis, donec transeat Cælum*
 „ *& terra jota unum, aut unus apex non præteribit à lege donec*
 „ *omnia fiant. Sequitur : amen dico vobis: Cælum & terra transi-*
 „ *bunt: verba autem mea non transibunt.* Constat autem quia
 „ Canon Bibliorum, lex est Dei per revelationem habita,
 „ cuius assentiones literales innituntur hoc unico lite-
 „ rali principio : omne revelatum à Deo est verum : &
 „ quia Scriptura Sacra divinitus est à Deo revelata : sic
 „ quod in omni sua parte est verbum Dei , quod transire
 „ non potest. Facit ad hoc dist. 9. Decreti capit. Ego solis.
 „ Si ad sacras. Et quis nesciat.

„ 2. *Gradus* , veritatum ab Ecclesia determinatarum est;
 „ quæ ab indubitata relatione Apostolorum per suc-
 „ cessionem continuam devenerunt. Est autem hæc Eccle-
 „ siæ , auctoritas tanta , ut diceret Augustinus : Evange-
 „ lio non crederem , nisi me auctoritas Ecclesiæ compel-

„leret. Quamquam vicissim dici possit : Ecclesiæ non
 „crederem, si non auctoritas Sacræ Scripturæ impelleret.
 „Et ita diversis respectibus, auctoritas utraque mutuo se
 „confirmat. Attendendum tamen est, quod non omnia
 „quæ tradit vel tolerat Ecclesia publicè legenda, sunt de
 „necessitate salutis credenda : sicut patet ex quinto &
 „sexto gradibus veritatum ; sed duntaxat illa quæ sub
 „definitione iudiciali, tradit esse credenda, vel opposita
 „reprobanda, concurrente universali totius Ecclesiæ
 „consensu implicite vel explicitè : verè vel interpre-
 „tativè.

„ 3. *Gradus* est veritatum specialiter aliquibus revela-
 „tarum, quæ ab illis quibus revelatio facta est, absque
 „ullâ dubitatione credendæ sunt. Alioqui non esset re-
 „velatio de cuius ratione est, ut sit certa. Cæteri vero qui-
 „bus non est revelatio huiusmodi facta, non obligantur
 „credere, nisi per Miraculum vel Scripturam Sacram, &
 „& præcipuè per Ecclesiam detur certitudo : sic enim
 „Ioannes Bapt. per scripturam propheticam, missionem
 „suam ostendit. Et Apostolus propterea contulit Evan-
 „gelium suum, quod habuerat per revelationem, cum
 „Petro, & alijs de Ecclesia : non quod dubitaret de illo
 „Evangelio : peccasset enim nec dixisset : etiam si Ange-
 „lus de Cælo, &c. Sed ideo contulit Evangelium suum,
 „ut approbaretur per Ecclesiam ad credulitatem aliorum,
 „& non suam. Quia dixit quod nihil sibi contulerunt,
 „Petrus & cæteri : sed dexteras dederunt, cum cognovissent
 „gratiam Dei quæ data erat sibi. Demum triplex eiusmodi
 „gradus veritatum reducitur ad unum : scilicet ad verita-

„tes, quæ credi debent, immediatè & explicitè à Deo
„revelatas esse.

„ 4. *Gradus* continet veritates omnes & singulas quæ
„concluduntur ex præmissis veritatibus in consequentia
„certa, in lumine fidei, vel in evidenti lumine naturali,
„quamvis non in propria forma verborum illic habeantur.
„Quemadmodum ista veritas est de necessitate salutis
„tenenda: quia Christus habuit nervos & venas,
„quamvis in Scriptura Sacra non habeatur in propria
„verborum forma. Et ita de similibus sine numero. Quoniam
„ista est evidens consequentia, nedum in lumine
„fidei, sed in lumine naturali apud Philosophos. Christus
„fuit verus homo; ergo Christus habuit nervos & venas.
„Propterea sine temeritate fidei vel discrimine, fuerunt
„aliquando quæstiones fidei ad Philosophos Paganos, per
„Christianos deductæ. Quia videre poterant acuti Philosophi,
„quid ex præsupposita lege nostra, licet ab eis non credita,
„consequenter esset dicendum in bona & evidenti consequentia.
„Et hic est secundus gradus principalis, primis tribus ad vnum
„reductis.

„ 5. *Gradus* qui est tertius modo dicto, reponuntur in
„eo veritates illæ quæ ex veritatibus quadruplicis gradus
„antedicti, vel aliquibus earum deducuntur in consequentia
„tantummodo probabili vel Topicâ: vel dum in antecedente
„ponitur propositio quæ ad fidem est impertinens, quamvis
„supponatur esse vera. Dicit autem Aristoteles, illud est
„probabile quod omnibus & maxime sapientibus verum
„apparet. Non autem illud quod

„ indoctis videtur esse verum , dicitur probabile , quia
 „ stultorum infinitus est numerus. Veritas autem omnino
 „ impertinens ad fidem illa sola dicitur , quæ nec in
 „ consequentia evidenti , nec in consequentia probabili,
 „ neque certa, sequitur vel repugnat. Porro dum propo-
 „ sitionibus fidei apponitur aliqua quæ non est de fide;
 „ tunc totum quod est vna copulativa , non potest sim-
 „ pliciter dici de fide, quia sequitur debiliorem partem :
 „ ut si in ea esset vna contingens , tota esset contingens,
 „ quamvis essent multæ necessariæ. Dicitur nihilominus
 „ talis propositio ad cuius verificationem requiritur vna
 „ propositio non pertinens ad fidem , quod sapit fidem,
 „ si vera sit : vel quod sapit hæresim, si sit falsa. Et potest
 „ describi propositio sapiens hæresim : quod est propo-
 „ sitio ex cuius concessione coassumpto aliquo quod non
 „ potest rationabiliter negari , sequitur hæresis in fide :
 „ ut si quis affirmaret, quod B. Gregorius non fuisset Papa:
 „ quia supposito quod de facto non possint rationabiliter
 „ negari historiæ dicentes ipsum fuisse ritè electum &
 „ susceptum in Papam : licet non sint de fide ; sequitur
 „ illa hæresis , quia ritè electus in Papam , non esset , nec
 „ fuit Papa. Vnde : nō est propositio ista Catholica, si sibi
 „ iungatur aliquid impertinens ad fidem quin totum hoc
 „ complexum remaneat ad fidem impertinens, exemplum,
 „ ut ista propositio : Biblia est falsa, est hæreticalis : & si
 „ adderetur quod Biblia quam habet Ioannes , est falsa
 „ non esset hæreticalis de se: licet dici posset sapere hære-
 „ sim : superponendo quod Ioan. non haberet Biblia nisi
 „ correctæ.



„ Postremo in casibus huius quinti gradus, & sexti sequentis, *verum est quod causa fidei referentia sunt ad Papam, vel ad Sacrum Concilium, si super eas fieri debeat determinatio, vel articulus arctans omnes: secus in aliis causis quæ tres* primos gradus & quartum respiciunt: nisi forte per appellationem.

„ 6. Gradus. Denique in sexto gradu, qui quartus est modo dicto, collocantur veritates illæ quæ tantummodo faciunt ad nutriendam vel fovendam devotionis Religiosam pietatem: quæ si magis inducunt ad inflammandum affectum quam ad instruendum intellectum, ubi pietas devota magis aspicitur, quam veritas certa. Vbi hoc unum reprobat, si adesset assertionis temeritas, priusquam elucidaretur, alio modo per Ecclesiam vel rationem certam ipsa veritas: aut si superstitionem, hoc est Religionem superfluam & vanam, induceret. Unde. Sicut Aristoteles docet, nihil refert quædam falsa probabiliora esse, quibusdam veris: ita nihil refert, quædam falsa pie credi non ea ratione quâ falsa sint, vel si sciuntur esse falsa; credi possunt. Procul hoc à pietate fidelium. Sed cadit æstinatio vel pia crudelitas; non super veritate aut falsitate, sed tantummodo sub apparentia, vel probabilitate. Et hoc utique non est periculosum vel falsum, quia constat de apparentia & probabilitate dum falsitas vel veritas ignorata est. Propterea sapientissimè dixit Hieronimus quod de talibus, eligibilis est pie dubitare, quam temerè definire. Sicut stat quodlibet contrarium esse probabile, & unum stat cum altero: non in veritate, sed in probabilitate. Sic diversis respecti-

„ bus utrumque contradictorium credi potest cum fidei
 „ pierate, dum tamen sit animus, ab assertione pertinaci
 „ alienus. Respicit iste gradus legēdas, & miracula Sancto-
 „ rum; vitās Patrum, visiones personarum devotarum, re-
 „ citationes & opiniones Sacrorum Doctorum, quæ om-
 „ nia suscepit Ecclesia, & legi permittit: non quia deter-
 „ minet talia de necessitate salutis esse credenda; sed quia
 „ proficiunt ad commovendos affectus pios fidelium, &
 „ in ædificationem ipsorum, dum in talibus, nihil de cer-
 „ titudine scituisse falsum: quamvis etiam nesciatur illud
 „ certitudinaliter esse verum, quod oporteret: nec ut tale
 „ credendum proponitur; itaque magis hic attenditur;
 „ id quod piā recogitatione fieri potuit: quam illud quod
 „ factum est. Et hoc apud Oratores celeberrimum repe-
 „ ritur, qui ex aliorum personis, dicunt ea quæ non per-
 „ sonæ dixerunt, sed quæ dicere potuerunt: sicut in le-
 „ genda Beatæ Agnetis, & B. Sebastiani & similium con-
 „ tinetur. Hactenus celeberrimus in nostra Vniversitate
 Cancellarius, qui cum hæc opuscula ediderit pro suorum
 temporum etiam tum gravissimis controversijs sedandis,
 in ipso Constantiensi Concilio, in quo pro Galliārum
 Rege Orator & Doctor sedebat; possunt haud dubiè &
 his nostris sedandis tutissimè deservire.

THEOPIST. Nihil sanè magis ad rem; sed ut soli extra
 omnem arbitrum liberius de his simul conferre valeamus,
 amoenissimos hortos & sereta illa viridaria reperamus.

THEODVL. Ut volueris, nihil enim mihi magis cordi
 est, quam illam mentis hæsitantiam, & ex ea natum mœ-
 rorem ex animo tuo excutere.

THEOPIST. Miror è quidem *Theodule*, nullum, quod sciam, ante hunc diem duodecim illas considerationes, cum signis correspondentibus objecisse istis Dominis Magistris nostris, Monialibus, & alijs quos Iansenistas dicunt. Num putas illos eas legisse?

THEODVL. Vt ut sit: animadvertis etiam primo intuitu luce meridiana clarius, undecim illa signa planè illis convenire, eosque de obstinatione evidenter convincere.

THEOPIST. Cæcus hoc videret. Nam & passi sunt Excommunicationes, & citati à sua Matre Facultate Parisiensi, ut de suis publicis scriptis rationem redderent, non modò comparere noluerunt; sed etiam, se ab ea rescindi, suisque Cathedris publicos Professores privari. Et hæ Moniales, sacris etiam in Paschate arceri maluerunt, quam in Summi Pontificis, totiusque Cleri Gallicani, (ijs tantum quatuor exceptis Episcopis, qui non unitatem seindunt aut partiuntur, sed se ipsos, ab unitate rescindunt) ire sententiam & verba jurare. Quæ nam obsecro hæc una pertinacia major esse queat?

THEODVL. Iam ut video doces me; adeò prima harum opellarum inspectio mentem tuam illustravit. Sed quæso. Trutinam accipe, & Spiritus pondera; indè certò intelliges undecim illa obstinatae mentis in errore signa, Iansenij, Iansenianæque doctrinæ defensoribus, omni ex parte ut dixi, convenire, eosdemque de hæresi Palam arguere.

THEOPIST. virgulam tu ipse si placet accipe, & præcipua infamis illius notæ capita in eis mihi indigita, remque facies, non mihi duntaxat, sed reipublicæ Christianæ & Catholicæ perutilem.

THEODVL.

THEODVL. Nihil amicæ tuæ fidei possum denegare. Et si non sim nescius quale odium parere soleant veritatis lumina, cum nos nostrosque indicant defectus: sed Doctori Catholico, cum loquendi vrget tempus, timendum nihil. Vt olim magnus Hilarius ad Imperatorem Constantium scripsit in causa non absimili, *cuius omnes capilli capitis numerati sunt, & unus ex illis non cadet super terram sine Patre nostro calesti.*

THEOPIST. perge obsecro. THEOD. primum obstinationis signum à celeberrimo Doctore allatum, est, *cum quis excommunicationem sustinet, nec se potest, sufficienter excusare.* An non luce meridianâ clarius est prædictos omnes Iansenii, eiusque Doctrinæ defensores, pœnas & Censuras Ecclesiasticas, inter quas Excommunicatio prima numeratur, & per Bullas Innocentij decimi & Alexandri septimi eis inflictas, erecta fronte, & inflexibili collo, aut corde indomabili sustinuisse. A quibus tam futiliter, quàm illegitimè huc vsque se se excusare tentarunt? quin imò, nonne mille illæ artes, & argutiarum potius quam argumentorum machinæ, quibus illarum vim eludere conati sunt, apertæ sunt demonstrationes, obfirmatæ mentis illorum in sensu perverso, ab Ecclesia, Ecclesiæque capite proscripto & damnato?

THEOPIST. Peremptorium est illud signum: nec video quid in contrarium proferre valeant.

THEODVL. Secundum non minus est evidens. Nam citatus iuridicè M. N. à sua Matre Facultate Parisiensi in diversis comitijs solemnibus per duos menses integros anno domini millesimo sexcentesimo quinquagesimo

D

quinto occasione cuiusdam Epistolæ quam Gallicè scripserat, & invulgus ediderat, in qua multa à viris doctis & pijs adnotata erant, quæ & Summi Pontificis atque Episcoporum authoritati plurimum detrahebant, & fidei Catholicæ ac facultatis eiusdem Decretis adversabamur: unde & gravissimam malæ fidei suspicionem incurrerat, comparere recusavit, significavitque per Apparitorem Regium eidem matri suæ Facultati Parisiensi, se pro nihilo & irritò habere quidquid ipsa in re præsentī egisset aut actura esset, passusque est ultionem à sinu piissimæ matris avulsionem, & ex albo Doctorum expunctionem; unà cum suæ pervicaciæ vindicibus, atque fautoribus, qui hoc usque illi decreto subscribere recusant. Quis igitur ab hæresis infami nota seu caractere poterit eos absolvere, quandiu non resipuerint?

Tertium obstinationis signum est. *Cum quis tuctur errorem, cuius oppositam veritatem, tenetur explicita fide tenere.* Nil iuramento sanctius, nil firmitus esse debet. At Doctores nostri in sua auguratione iurant solemniter se nihil unquam dicturos, facturos, aut docturos, verbo, seu scripto; contra Sacram Scripturam, Concilia Generalia & Summorum Pontificum decreta. Quid amabo, non contra Apostolicas Urbani octavi, Innocentij decimi, & Alexandri septimi Constitutiones publicè & privatim, voce & scripto debaccati sunt? inde tam subtiliter quam subolè ab eis inducta *iuris & facti distinctio*, hæc nullatenus admittenda. Inde tot ab eorum Doctoribus publicata volumina, & à quatuor prædictis illis Episcopis mandata specialia edita, pro formularij subsignatione, non alio ut

fatis re ipsa constat sine, quam ad Constitutionum Apostolicarum vim infirmendam, & Regij placiti fallendam Religionem. Quid quid sit divinam non effugient aur eludent vindictam, quæ adeò severè in Moysen & Aaronem animadvertit; eò quòd ad aquas contradictionis, *distinxissent in labijs suis*, vbi simpliciter & sincerè obedire debuerant; vt propterea terram promissionis non sint ingressi. Parem timeant, vel etiam duriores sententiam, qui eo graviore se se peccato obstringunt, quo à veritate typus, gratia à lege, à cælo terra distat.

THEOPIST. Quàm iusta & conveniens allegoria! novi enim plerumque in Scripturis, per aquas Doctrinam significari: video & Ecclesiæ Petram non semel & iterum percussam virga Pastoralis, cum hac *infideli distinctione juris & facti*: video adhuc iurgantes quosdam ad aquas contradictionis; Vereor profecto ne ipsis, qui nobis Moysis & Aaronis loco sunt, dicatur: *non introducetis hos populos in terram quam dabo eis*. Sed perge porro. Placent enim omnino animadversiones tuæ.

THEODVL. Quartum signum est: *dum quis: necdum: quarrit veritatis fidei elucidationem: sed etiam ejus declarationem impedit*. Non te latent ut opinor artes, technæ, tergiversationes, tumultus & alia id genus, quibus à vixingenti annis usi sunt; primum, ad impediendam Romæ apud Summum Pontificem quinque Propositionum, ab Illustrissimis Galliæ Episcopis peritam definitionem & condemnationem: deinde ad eam, *juris & facti distinctione*, infirmendam & ludendam.

THEOPIST. Nota sunt ista omnibus: & mirum

Diij

quod Christianissimi Regis nostri iteratis jussionibus pertinacius resistent: ut, non uno, sed duplici inobedientiæ peccato, in utramque Sacram, Pontificiam & Regiam Majestatem offendant.

Quid vero quinto signo manifestius, quod tale est: *dum quis veritatem Ecclesiæ docentes seu determinantes odisse se monstrat & persequi factis atque verbis: etiam si dicat se velle tenere quod Ecclesia tenet: quia si facta contradicant. Hoc est aquitas simulata.* Quid his novatoribus verbis tenus humiliter aut demissius videretur in Sanctam Sedem Apostolicam & Romanam? quid re vera factis insolentius? inde & publicis & privatis colloquijs lingua, manu, calamo, ejus authoritati, palam & privatim ab eis, ubique detractum: inde eius Constitutionibus fides imminuta: inde in Illustrissimos Archiepiscopos & Episcopos, in Sapientissimos Doctores, in Societates Religiosas integras, in omnes Mendicantes Ordines, publica, & implacabilia odia: inde Doctoribus, eorundem Ordinum Mendicantium in nostris comitijs lingua præcisa: inde ^mSacerdotes pietate ac Doctrina spectabiles, Sarcasmi risus convicia, maledicta; non alia ratione, quam quia veritatem ab Ecclesiæ capite definitam, & ab Universali Ecclesia receptam, validis argumentis propugnabant, & errores contrarios pari zelo insectantur.

THEOPHIST. Fateor hæc omnia sola evidentia seu notorietate facti nulli esse ignota, nec alia indigere probatione.

THEODVL. Pergo igitur alia signa tibi demonstrare.

THEOPIST. Pluribus non est opus, ubi unum aut alterum sufficiebat. satis enim ista per se patent, nec expedit præteritas lites & tumultus, etiam civiles, fidem datam Episcopis se se subjiciendi simplici mente, Sum. Pontificis decisionibus fractam, aliaque hujusmodi revocare in memoriam, quæ necdum ab ea exciderunt. Sed amabo, dic tandem quid censes de ea *juris & facti* distinctione, & qua certitudine ab Ecclesia *facta* definiri possunt?

THEODVL. Lege obsecro descriptam à te superiùs compendiosam Declarationem Doctiss. juxta ac pijsissimi nostri Cancellarij. Is dum explicat quintum gradum supradictarum veritatum, sic loquitur: *Dicitur nihilominus talis propositio, ad cujus verificationem requeritur una non pertinens ad fidem, quod sapit fidem si vera sit: vel quod sapit hæresim, si falsa: & sic potest describi propositio sapiens hæresim: quod est propositio ex cujus concessione coassumpto aliquo, quod non potest rationabiliter negari, sequitur hæresis in fide. Ut si quis affirmaret quòd beatus Gregorius non fuisset Papa: quia supposito quod non possint rationabiliter negari historia, dicentes ipsum fuisse ritè electum, & susceptum in Papam, licet non sit de fide; sequitur ista hæresis: quod ritè electus in Papam, non sit Papa: & paucis interjectis subjungit. Postremò in casibus hujus quinti gradus, & sexti sequentis, verum est quod causa fidei referenda sunt ad Papam, vel ad Sacrum Concilium, si super eas fieri debeat determinatio, vel articulus arctans omnes. Habes igitur ex celeberrimi hujus nostri Doctõris Academiæ nostræ sui ævi facile principis, quem & Iansenistæ, suo jure privato videntur canonizasse, dum ejus nomen suis Calendarijs inseruerunt, doctrina, hæc tria. 1. Hanc propositionem esse*

de fide: *Romanus Pontifex est universalis Ecclesiæ Papa, Christi Vicarius & Petri successor.* 2. Hanc sapere hæresim: *Beatus Gregorius, vel Alexander septimus:* (nam utriusque par est ratio) *non est Papa, seu universalis Ecclesiæ Pontifex:* Quia, & si non est de fide Divum Gregorium, aut Alexandrum septimum fuisse ritè electos & susceptos in Romanos Pontifices: tamen non possunt rationabiliter denegari Historiæ, quæ narrant ipsos ritè electos & susceptos in Romanos Pontifices. Vnde sequitur ista hæresis: ritè electus & susceptus in Romanum Pontificem non est Christi universalis Vicarius in Ecclesia, nec Petri successor. Habes tertio, istas quinti & sexti gradus veritates, esse à Papa vel Concilio determinabiles, si super eas fieri debeat determinatio vel articulus arctans omnes. Quod sanè fieri debet quando hæc spectant universalis Ecclesiæ, non unius singularis personæ pacem & salutem. THEOP. Constant equidem hæc tria: nec mihi aliquid clariùs hac doctrinâ celeberrimi Cancellarij videri potest: unde & constat, posse Ecclesiam, vel in Concilio Congregatam, vel in Pontifice Romano plena Christi Vicariâ potestate fungente residentem, facta quædam, ea videlicet quæ ad fidem pertinent, determinare: ita ut inde fiat articulus fidei arctans omnes. Iam ad rem.

THEODVL. Ad rem ut veniamus Quinque Propositiones damnatæ à Summo Pontifice Innocentio & Alexandro excerptæ sunt ex libro, qui dicitur. *Augustinus Yprensis, & in sensu ab eo auctore intento proscriptæ, duo continent:* 1. *Dogma v. c.* Christus non est mortuus pro omnibus, &c. 2. *Factum*, quod videlicet ex libro dicto August. Yprensis excerptæ sint, & in sensu ab eo auctore intento damnatæ:

Dogmati tanquam fidei articulo subscribunt Iansenistæ ; fide, an sincere nescio, Deus sit. Facto fidem & subscriptionem denegant, audaciusque pronunciant, Pontificem imò & Concilium errare posse in hac parte, seque huc vsque non potuisse deprehendere in dicto libro illas propositiones, eo in sensu quo damnatæ sunt. Cælum Terramque obtestor, an hæc possint rationabiliter sustineri? Pontifex qui eas damnavit & suæ ipsius est interpretes Sententiæ, vniuersi orbis omnes Catholicæ Facultates Theologicæ, etiam Parisiensis; omnes Ecclesiæ Gallicanæ Illustrissimi Præsules, subscribunt huic veritatis duæ præcipuæ propositiones, ex his quinque, ipsismet verbis reperiuntur & leguntur in dicto libro, nec alium sensum nisi violentissimum possunt admittere: quibus non obstantibus pauci admodum Doctores, quatuor Episcopi, & vnius Monasterij Moniales quædam reclamant: prævalēbitne pars hæc tantilla, totius Ecclesiæ vniuersitati, unitati, consensioni? & oro! quinam, cuius nominis, aut ponderis sunt, hi Doctores? Ipsimet, qui prius damnata illa Dogmata totis viribus propugnarunt, & fortè adhuc cuculis propugnant: de his enim, quod olim Hieron. ad Augustinum, pronunciandum vix dubito: *hæresis semper simulat penitentiam, ut docendi in Ecclesijs habeat Facultatem.* Et ad Demetriadem: *solent per Angulos musitare, & quasi Iustitiam Dei querere: cumque fistulato vulnere locum sibi fecerint, venena diffundunt.* Testis illa Thesis à nostris antiquioribus & sapientioribus Magistris, septima currentis Augusti repudiata, & vnâ cum suo auctore damnata, de qua tu ipse superius:

Licet igitur , non sit divina voce revelatū , quod hæ quinque propositiones excerptæ sint ex libro Iansenij , & in sensu ab eo intento damnatæ : quia tamen per se patent in textu auctoris , nec post tot omnium Ordinum testimonia , omni exceptione maiora , potest id rationabiliter negari ; sapit hæresim , qui id negat : quia ex eius negatione sequitur hæresis ista : *quod Christus pro omnibus hominibus mortuus non est : quod interiori gratiæ numquam resistitur , &c.* & istud factum venit ab Ecclesia , ita determinandum , ut omnes arctet , & obliget : ut de facto per Alexandrum septimum determinatum est : & qui eius determinationi subscribere renuit , hæreticus & schismaticus censendus est , & iudicandus . *

THEOPIST. concludit me iudice argumentum tuum ex supposita Cancellarij nostri doctrina : at in eam non iurant Iansenistæ , qui nec in Summi Pontificis verba iurare audent ; adeò sunt Religiosi , & à iudicio temerario scrupulosè , ne dicam superstitiosè , alieni : cum tamen in sua inauguratione & in singulis actis solemnibus & publicis quicam præcedunt , Sacramentò se se addicant , nusquam se recessuros à Summorum Pontificum Decretis , nec quidquam contra ea dicturos , facturos , aut docturos .

THEODVL. Eo fine hanc Doctissimi Cancellarij doctrinam attuli 1. Quia ea vñ sunt Patres Concilij Constantiensis in dirimendis ut dixi , quæ tum temporis erant gravissimæ , tam juris , quàm facti controversiæ . 2. Ut ostenderem quam procul absint nostri recentiores & iuniores Magistri à veterū probitate , gravitate & doctrina .

3. Quia

3. Quia huius celeberrimi Doctoris inter omnes, auctoritas hac in materia plurimum valere debet, quam norunt omnes in omnibus firmam & integram: nec ad sinistram nec ad dexteram ullius Celsitudinis aut maiestatis, etiam Pontificiæ consideratione deflectentem: unde nec ipsis Pontificibus in omnibus probatur.

Quod autem non Gersonij, sed antiquorum Patrum hæc doctrina sit; tres gravissimos profero, qui longe diversis temporibus floruerunt, eruntque propterea instar omnium. Primus Cyprianus qui Ep. 67. ad Stephanum Romanum Pontificem scribens, rogat eum ut Maritianum Arelatensem Archiepiscopum Novatianum deponat, & alterum Catholicum in eius locum sufficiat. Placet illum audire? THEOPIST. Placet omnino. THEOD. *Qua propter, inquit, facere te oportet plenissimas literas ad Coepiscopos nostros in Gallijs constitutos, ne ultra Marcianum pervicacem, & superbum, & divina pietatis, ac fraternæ salutis inimicum, Collegio nostro insultare patiantur: quod nec dum videatur à nobis abstentus. Paucis verò interjectis: Dirigantur in Provinciam, & ad plebem Aretale consistentem à te literæ, quibus abstento Marciano, alius in locum eius substituat. Tum sub Epistolæ finem concludit: Significa nobis quis in locum Marciani fuerit substitutus, ut sciamus ad quem fratres nostros dirigere, & cui scribere debeamus. Quid clarius pro auctoritate Pontificiæ Romani Præsulis, ad iudicandum ius & factum. Marcianus Novatianum se facto & verbo declarat. Omnes Gallicanæ Ecclesiæ Episcopi scribunt Romam ad Stephanum Papam. Faustinus Lugdunensis etiam Cypriano. Non convocatur Concilium*

in Gallia, Cyprianus non hoc consilium dat Galliarum Episcopis, nec Faustino Lugdunensi: sed Stephano Romano Pontifici scribit; quid? *ut plenissimas literas* (intel- ligis quid hoc nomen valeat, *plenissimas literas*) id est uni- versales, plenam & supremam auctoritatem continentes sicut dicitur plenissimum, id est universalissimum Con- cilium) dirigat ad Episcopos Galliarum: & in Provinciam Provinciæ, ad plebem Arclatensem; quibus plenariò iure, deponat Episcopum hereticum, & Catholicum substituat. *Ius* erat iam definitum: videlicet proscripta erat hæresis Novatiana: *At factum* minime; an videlicet Marcianus esset hereticus, & ex consequenti deponen- dus: id totum refertur Pontifici Romano Stephano. A quibus? Ab omnibus Galliæ Narbonensis Episcopis, ut scribit Cyprianus his verbis: *Quæ etiam vobis scio utique nunciata, tam ab eo*: Id est à Faustino Lugdunensi, *quàm à cæteris Coëpiscopis nostris in ea Provincia constitutis*, quibus & ipse Cyprianus totius Africæ Primas se adiungit. Quâ ætate? tempore Valeriani & Gallicani tertio videlicet, Ecclesiæ sæculo, anno post Christum natum, circiter du- centesimo sexagesimo. Ecce quàm nova seu neoterica est hæc auctoritas Romani Pontificis, in causis fidei sive iuris, sive facti dirimendis.

THEOPIST. Quid mihi Cyprianum profers pro Summi Pontificis auctoritate; nedum *in factis*, sed etiam *in iuris* seu dogmatis controversijs perimendis? Nullo solidiori fundamento nituntur adversarij, ut eam impugnent quàm clarissimi simul ac generosissimi huius martyris exem- plis & scriptis: personant quotidie aulæ nostræ vocibus

Bacalaureorum nostrorum, qui etiam nūm insurgunt ad-
versus Stephanum, & eius successores, nomine, voce, &
sententiis Cypriani. Gratissimam, non mihi duntaxat;
sed Universæ Scholæ Catholicæ, rem faceres, si hunc no-
dum dissolueres.

TAEODVL. Faciam, ut spero clarissimè. Ac primum ex
Doctiss. Cancellario præcitato supponas velim. *Primum*
dictis secundum iura, standum & credendum esse: maximè
cum sub est causa legitima, fidem secundis derogandi.
Vidimus Cyprianum Epistola citata. Quæ est lib. 3. 13. ad
Stephanum recurrere, petere ab ipso ut Marcianum Are-
latensem de Novatiana hæresi notatum, deponat & alte-
rum in eius locum substituatur, nulla facta mentione
Conciliij, vel Nationalis vel Universalis: iam si aliter sen-
tit, si eundem Stephanum durius exagitat, si fidem ei
vel denegat, vel derogat; unde id tandem oriatur est in-
quirendum? sed quanam inquisitio facienda ubi res per se
patet? Apertissimum enim est non alia de causa Cypria-
num in Stephanum offensum esse, nisi quia Cypriani erro-
ribus de rebaptisandis hæreticis, ut constantissima Eccle-
siæ Petra resistit; *Iubens ut nihil innovaretur, nisi quod tra-*
dictum erat. Fides & doctrina Stephani approbata ab uni-
versali Ecclesia, quæ eius definitioni subscripsit: inde
Cyprianus in Stephanum acerbius quam par erat, pro
humana fragilitate excanduit: effrigitur sententiam ma-
tasse videatur; standum est, non huius secundæ eius sen-
tentia quæ ex errore processit: sed priore, quam omni
mentis perturbatione vacuus protulit. Probè dixi, *videatur*
nam. ut docet Aug. Ep. 43. ad Vincentium, non de sanctis qui hoc Cy-

prianum prorsus non sensisse contendunt: sed sub eius nomine à præsumptioribus atque mendacibus fuisse confictum: & quam vis tum ex stylo Epistolæ, quem propriam habere faciem contendit, quæ possit agnosci, tum etiam propter communionem Catholicam in ea servatam, Cypriani esse simpliciter fateatur Augustinus: sic tamen eum deffendit. Porro, inquit, aut non sensit omnino quod eum sensisse recitatis: aut hoc postea correxit in regula veritatis, aut hunc quasi nævum sui candidissimi pectoris cooperuit ubere charitatis; dum veritatem Ecclesiæ toto orbe crescentis, & copiosissimè deffendit, & perseverantissimè tenuit vinculum pacis. Accessit huc etiam quod tanquam samentum fructuosissimum, si quid in eo fuerat emendandum, purgavit pater falce passionis. Vnde? Nisi quia hærens in diffusionem vitis, radicem non deseruit unitatis. Ut si qua, ait idem Aug. lib. 1. contra. Don. c. 18. in eius lucidam mentem ex humana conditione nebula iræperat, gloriosa serenitate fulgentis sanguinis fugaretur. Cum igitur habeas tam ex Augustino, quàm ex Martyrio Cypriani in communione Ecclesiæ perpeffo, ipsum sanctæ charitatis visceribus largissimè præditum, & in eiusdem unitate permanisse, & alijs, & si diversa sentientibus manendi auctorem fuisse; Quis primis eius dictis, & factis quæ supra retulimus, esse inherendum non dixerit? Vnde Epistola ad Iulianum quæ est 73. Sic loquitur. Nos qui Ecclesiæ unius caput & radicem tenemus. Et infra: Nam Petro primum Dominus super quem edificavit Ecclesiam, & unde unitatis originem instituit, & ostendit, potestatem dedit, ut solveretur in Cælis quod ille solisset in terris. Clarum igitur est & apertum ipsum nusquam à priori sententia recessisse, nec aliter in Stephanum, insurrexisse,

quàm ex solo fraternæ correctionis motivo, quæ etiam inferiori erga superiorem incumbit, modo debiti honoris, subiectionis, & obedientiæ limites non excedat, quæ de facto Cyprianum excessisse vix ullus Catholicus non fatetur: Sed, ut loquitur Augustinus, *Noxam, candidissimi sanguinis effusione pro Christo, ubere charitatis eximia in Christum, & eius Ecclesiam diluit.*

THEOPIST. Adhuc restat in hac controversia scrupulus, quem si è medio tuleris, eris mihi magnus, non Apollo, sed Paulus: Augustinus lib. 1. contra Donatistas cap. 18. & alibi; inde Cyprianum excusat, quòd illis temporibus, verba sunt eius, *nondum plenarij Concilij sententiâ, quid in hac re sequendum esset, totius Ecclesiæ consensus confirmasset.* Vbi satis apertè indicat, litem hanc non Stephani, sed Concilij Vniversalis plenaria auctoritate fuisse dirimendam: unde & tandem restat, ad Concilium eiusmodi plenarium, idest Vniversale, pertinere ultimum seu supremum de causis fidei iudicium, nec aliquem inter hæreticos numerandum, nisi postquam eius definitionibus pertinaciter obstiterit.

THEODVL. Videris me, etiam invitum adigere pertractandæ quæstioni seu controversiæ, de qua jam nihil attinet dicere. Ad rem nostram veniamus. 1. Certum est Cyprianum ad futurum Concilium non appellasse: sed primum hæsisse definitioni factæ à se, & ab aliis Coëpiscopis numero 7. in Concilio Affricano; non adeò tenaci mente aut obstinata, quin saltem postea implicitè se se Stephani iudicio non submiserit: cum ad ipsam, & ad Iulianum ea de re scribens, his verbis tam sapè ab August.

E ii)

laudatis, disputationem concludat; *servatur à nobis patienter, & firmiter, charitas animi, Collegij honor, vinculum fidei, & concordia Sacerdotij.* Quibus aperte indicat, se nulli velle injuriam facere, nec ullius juri derogare: sed cuique Collegij, id est Dignitatis & Ordinis quem in Ecclesiæ Collegio habebat, jus & honorem servare. Collegij etenim nomine Clericalem Ordinem Cyprianum intelligere nemo Doctus ignorat cum *Collegium* apud Criticos, collegarum societatem proprie significet. Cum autem ex eodem habeamus, ut ex præcitatis à me locis potes intelligere, Petro & successoribus Primatum Ecclesiæ Universalis convenire, ad quem etiam ipsemet recursum habuit ut Marcianum Arelatensem ab Episcopatu deponeret & alium in eius locum substitueret, eum quo se communicaturum promittebat; *sane nihil hac, & si liberiori, ut fatetur ipse Augustinus, contentione primæ sedis auctoritati detractum, sed ipsi ut aliis Collegij honorem & primariæ sedis auctoritatem sanctam, rectam, & inviolatam esse voluit.*

THEOPIST. At nihil ad Augustini mentem: quamvis enim Cyprianus, ut dicis: imò ut idem scribit lib. 5. cap. 17. contra Donatistas: *qui unicuique Episcopo permisit sentiendi hac de re voluntatem, nihil Summo Pontifici detractum aut derogatum voluit: semper tamē manet Augustini Sententia plenarij Concilij, auctoritatem, ultimam esse omnium nostrarum Controversiarum definitionem.*

THEODVL. Invitum me compellis in foveam quam evitare contendo: verbo igitur absolvam. Reverà Concilij universalis definitio ultima linea est in quam omnes, quæ

suboriuntur in Ecclesia Controversiæ resolvuntur, maiorque mihi videtur auctoritas plenarii Concilij quam Pontificis, at extensivè ut loquimur in Schola, non intensivè. Tanta est firmitas, quantum ad rem seu substantiam, in definitione Pontificia ritè Canonice & cum maturiori discussione, atque sapientum consilio facta, quanta in Concilij Universalis ac plenarii Canonibus: sed non quantum ad extensionem & accidentia. Scis in Philosophia quasdam veritates esse, secundum se, magis notas, quasdam secundum sensum; nec ignoras bonum additum bono, facere maius bonum. Stant fide divinâ indubiâ, quæ definiuntur à Pontifice ritè & canonicè, ut diximus: at si his accedat Concilij universalis auctoritas, bonum addetur bono, firmum firmo, & sic sua extensione erit magis firmum & maius bonum: etenim, & à capite, & à corpore simul iunctis, emanabit & facilius totam universalem Ecclesiam pervadet & ab ea recipitur veritas definita & recepta in ipso omnium Ecclesiasticorum Ordinum Collegio atque confesso. An non amabo firmum erat quod Petrus cum Cornelio egerat, dum cum non circumcissum ad Baptismum recepit: de eo tamen refert ad Concilium Apostolorum, non ut firmitatem accipiat, sed ut definitioni per Concilium faciendæ viam aperiat, & suo facto, robur adiciat. Nec propterea inutile Concilium ad sedandos plebis Christianæ motus, cui forè Petri facta revelatio, nondum satis iuridicè innotuerat: ita sanè sapientissimè Pontifex, quod per semetipsum adhibito maturiori consilio posset certâ fide definire, ad Concilium remittit universale, ut univer-

facilius definita, facilius veniant in Vniuersalis Ecclesiæ Iuridicam notitiam; & sic facilius, efficacius & promptius *obstruatur omne os loquentium iniqua*. Ad rem autem nostram: excusat Augustinus Cyprianum, ex eò quod illis temporibus nondum plenarij Concilij sententiâ, quid in hac re sequendum esset, totius Ecclesiæ consensio confirmasset. Defectu enim huius consensionis Vniuersalis Ecclesiæ quæ potissimum fit in plenario Concilio, non satis adhuc innotuerat. Cypriano articuli huius definitio, unde nec pertinax aut hæreticus dici potuit.

THEOPIST Nodum difficultatis & inuenisti, & mihi saltem, soluisti: venias quæso ad alterum testem hujus veritatis locupletem, quem mihi promissisti. Nisi præter modum tibi importunus fuero.

THEODVL Paucis absolvam nec etiam tandiu Cypriano inhæsissem, nisi tu ipse Cyprianum objecisses Cypriano, quod tibi soluere operæ-pretium duxi.

THEOPIST Fecisti sanè, sed non est adhuc tempus gratias agendi. Promissis te exonera.

THEODVL Secundus testis luculentus erit tibi Hieronymus qui altero & amplius post Cyprianum sæculo vixit. Is & calamo, & factò suo, quid in simili causa *facti*, sit agendum, pridem nos docuit. Vndique conveniebatur in ipsa in qua degebat Eremita Chalcidis inter Syros & Saracenos, ut se vel pro *Meletij*, vel pro *Paulini*, vel tandem pro *Vitalis*, qui tres tùm Antiochenæ Ecclesiæ pedum partiebantur, partibus declararet. Causa & facti & juris erat, nam hi tres de hæresi insimulati apud Catholicos plerosque, malè audiebant. Meletius communi Ortho-
xorum

xorum & Arianorum consensu Anthiochenus Patriarcha renunciatus fuerat, quòd utrique à suis partibus cum stare existimarent. Paulinus accusabatur Sabellianismi: licet de eo coram Ahanasio se purgasset, cui Eustiani non Maletiani parebant. Vitalis Apollinarista, & Apollinaristarum Antistes. Adeo tamen solerter Catholicum se simulabat vt Romæ apud Damasum fideli formulam sanam & Orthodoxam ediderit, cuius mendacium nec facile, nec citò de tectum est. Quid Consilij capiet Hieronymus Sapientissimus Ecclesiæ Doctor & hæreticorum Durissimus Malleus, in ancipiti trivioque positus? audias quæso illum. i. Ad Damasum Epistola. *Quoniam, inquit, vetusto Oriens inter se populorum furore collisus, indiscissam Domini tunicam & de super cõtextam minutatim perfrusta discerpit, & Christi vineam exterminant vulpes, vt inter lacus contritos qui aquam non habent, difficile vbi fons signatus, & hortus ille conclusus sit, potest intelligi: idcirco mihi Cathedram Petri, & fidem Apostolico ore laudatam censi consulendam; inde nunc anima mea postulans cibum, vbi olim Christi vestimenta suscepi. Neque verò tanta vastitas elementi linguentis, & interiacens longitudo terrarum me à pretiosa Margarita Patrimonio, potuit inquisitione prohibere. Vbicumque fuerit corpus illuc congregabuntur & Aquile. Profligato à sobole mala Patrimonio, apud vos solos incorrupta Patrũ servatur hæreditas. Et paucis intejectis. Beatitudini tue, id est Cathedra Petri, cõmunionem consocior, super illam Petnam edificatam Ecclesiam scio, quicumque extra hanc domum agnum comederit profanus est. Non novi vitalem, Maletium responso, ignoro Paulinum, quicumque tecum non colligit, spargit: hoc est qui Christi non est, Antichristi est. Hactenus Hieron.*

THEOPIST. Egregium verò locum! quo nihil mea quidem sententia ad veteres prioris sæculi, & suborientes præsentis, hæreses confodiendas validiùs; nihil ad tumultuantium nostræ facultatis irrequietorum animorum motus sedandos, efficacius aut commodius dari potest, si filij pacis essent.

THEODVL. Attende igitur obsecro ad singula eruditissimi sancti Doctoris verba. Primo difficillima tempora illo ævo fuisse adnotat; ita ut vix agnosci posset ubi nam esset, *fons ille signatus aquarum fidelium*, id est sanæ Doctrinæ, & *hortus conclusus Ecclesiæ*, in quem non intrant vulpes hæreticantium. 2. Ideo sibi Cathedram Petri, & fidem Romanam, Apostolico Pauli calamo & ore laudatam, non aliam, sibi consulendam existimat. 3. Illam indicat esse *Corpus* ad quod congregari debeant aquilæ, in extremis fidei & Ecclesiæ tempestatibus, ad quod noctuæ aut graculi non accedunt. 4. Apud illam duntaxat docet *servari incorruptam Patrum hæreditatem*: id est fidei Doctrinam, Sacramenta, & Sanctarum Scripturarum Canon, quæ passim alibi, & potissimum in Oriente, ut & nunc profligata erat. 5. *Myletium Vitalem*, & ipsum à quo Sacerdos inauguratus fuerat *Paulinum* se profitetur ignorare, ut soli *Damaso* Romano Pontifici adhæreat; non in causa *iuris*, sed *facti*. Id est non pro condemnatione Arianismi, Sabellianismi, aut Apollinarismi, quorum iam reprobata fuerant hæreses: sed *facti*, id est ut determinatè sciret quoniam illorū trium verus atque legitimus esset Antiochenæ Ecclesiæ Præsul, cum quo deberet communicare: à quo tamen *facta* pendebant fidei aut hærescon Dogmata: nam

qui hæretico Episcopo adhæret aut dicit *ave*, *communicat* operibus eius *malignis*. Non sic nostri Iansenij Sectatores, qui à Papæ Decisionibus & partibus recedunt, vt Episcopo Yprensi *Personato Augustino*, adhæreant. 6. Christi esse, & Romani Pontificis esse: Antichristi esse, & Anti-Romani, pro eodem assumit. Quid illustrius? quid luculentius? quid fortius? vrget tamen Sanctus Doctor idem argumentum ad eundem Damasum Epist. 2. descriptis si quidem prælijs hæreticorum adversus se, & Monachorum quibus cū degebat in se auctoritatem, subnectit: *Ego interim clamito, si quis Cathedræ Petri jungitur meus est. Metetius, Vitalis, Paulinus tibi hære se dicunt, possem credere si hoc vnus assereret: nunc autem duo mentiuntur, aut omnes.*

De facto directè & primario agebatur: nimirum quisnam esset verus atque legitimus Patriarcha Antiochenus, & Petri successor in ea Cathedra. De iure secundario; nempe de Arianismo, Apollinariismo, Sabellianismo, aut de fide Catholica. Vt se tres illi Catholicos probarent, Damaso se adhærere singuli profitebantur. Petit Hieronymus à Damaso, cui nam se jungat, quis sibi adhæreat? id est quis sit Catholicus Episcopus, cuiusnam sit recta fides? Adeò verum est quod olim Cyprianus à nobis citatus Ep. lib. 1. 3. ad Cornelium scripserat: *Petri Cathedram Ecclesiam principalem esse, unde unitas Sacerdotalis exorta est, & Romanos esse, quorum fides Apostolo prædicante laudata est: ad quos perfidia non possit habere accessum.* Vnde hortabatur ibi Cornelium ne Fœlicissimum & Fortunatum hæreticos, & schismaticos, qui ausi fuerant à profanis literas accipere, ad se accedentes exciperet. Adeò visa sunt semper à Romana

Petra fluentes doctrinæ aquæ fideles esse, ut qui de eis biberet Catholicus censeretur, qui alienus nusquam ad eas accederet. Iure ergo meritissimo Hieronymus in his angustijs constitutus, etsi à Paulino ordinatus, non audet sententiam proferre, nec cuiquam illorum trium se adjungere quandoquidem ex sua cum illis communione pendebat, rectæ fidei satis aperta confessio, aut reprobatio: nec aliud respondet volentibus eum in suam sententiam, quâ vi, quâ blanditijs, quâ auctoritate pertrahere, nisi Cathedræ Petri adhæreo: *si quis*, ex illis tribus Episcopis Sedem Anthiochenam partientibus, *Cathedræ Petri jungitur meus est Episcopus: si non jungitur, non est meus*, sed Romanus Pontifex cui adhæreo immediatè Primario & supra omnes unde tandem Damasum *per Christi Gracem cõtestatur ut ei literis suis significet, apud quem in Syria debeat, communicare.*

THEOPIST. Revera adèd clara mihi videntur, quæ hîc exponis; ut percussos facilè dixerim in loco videntium & palpare in meridiè, omnes istos Sanctorum Patrum novos ventilatores, qui dum hæc in eorum Libris legunt (quis enim eos non legisse ausus est addubitare?) tamen non intelligunt. Non intelligunt inquam, quàm iustè ad Sanctam Sedem immediatè, eis prætermisiss, Hieronymi exemplo recurrant plebes Catholicæ, dum eos vident à debita ei obedientia & fide Orthodoxa deficere: dum plus damnatæ Episcopi Yprensis Doctrinæ credunt, quàm probatis ab universali Ecclesia Summorum Pontificum Decisionibus.

THEODVL. sed magis ad rem de qua nunc quæstio est

idem Hyeronimus ad Demetriadem scribens : *Sancti Innocentij qui Apostolica Cathedra , & supra dicti viri* (S. Anastasium Pontificem Romanum intelligit, quem ditissima paupertatis, & Apostolicæ sollicitudinis virum vocaverat) *Successor & filius est, teneas fidem : nec peregrinam quamvis prudens callidaque videaris , suscipias.* Qua de re tum agebatur aut qua occasione , hanc ei regulam præscribit ? Origenistarum hæreticorum qui tum maxime Romæ grassabantur. Vbi notandum & impensius advertendum, non tam iuris quam facti fuisse tum quæstionem : nam ut sapienter advertit scriptor ille vitæ eximij Ecclesiæ Doctoris S. Chrisostomi quæ anno superiori non ineleganti stylo publicata est, omnes doctrinam insertam libris Origenis ut hæreticam damnabant : sed non omnes Origenem, quem ab his hæresibus immunem asseriebant. Alij omnino libros Origenis proscribebant. Alij tantum errores. Hi Origenis defensores, sed non sectatores, quæ hic auctor solertissime distinguit, ut eandem faciat & *Augustini Yprensis, & Origenis causam* : ita ut sicut tum quam plurimi innocenter defendebant Origenem & ejus libros; qui tamen hæretica dogmata, Origeni ascripta, damnabat. Inter quos Chrisostomum & plurimos insignes solitarios adnumerat. His igitur medijs in fluctibus quibus ea tempestate & Orientalis & Occidentalis Ecclesia agitabantur; quod nam Hyeronimus Demetriadi dat consilium ? *Sancti Innocentij teneas fidem, nec peregrinam quamvis prudens callidaque videaris doctrinam recipias.* Quam longè sapientius, quam salubrius Apologista Monialium rebellium Portus-Regalis, eis consilium dedisset, si tot

famosorum libellorum in virum: caractere & doctrinali laurea alijsque tot nominibus & titulis insignem, loco; duobus S. Hieronymi verbis negotium absoluisse dicens: Alexandri Summi Pontificis teneatis fidem, nec aliam, & si vobis prudentes callidæque videamini, doctrinam recipiatis.

THEOPIST. Qua ratione aut via, & hic scriptor & illæ mulierculæ, se se ab hæreseos & schismatis labe ablucere valeant secundum prædictas Cancellarij nostri leges, non video. At quandoquidem vitæ istius Sancti Chrisostomi mentionem iniecisti, aperias mihi obsecro de his omnibus libris quid sentias.

THEODVL. Non recordaris tertij testis propositæ veritatis, quem tibi promisi: hunc expediamus, & si nobis supersit tempus faciam quod postulas.

THEOPIST. Adeo copiose & luculenter de proposita questione disseruisti, ut promissorum tuorum non tam sim oblitus, quàm supervacaneum duxerim de his plura contexere.

THEODVL. Paucis expediam quæ prætermittere nulla ratione possum: habent enim argumentum eò validius & firmitus quod ex ipsis causæ visceribus petitum est. Mitto itaque quod septimo sæculo Agato Pontifex Romanus literis suis ad Concilium sextum Generale, quod est tertium in Trullo, & in eo lectis atque laudatis, damnat non solum hæresim Monothelitarum: sed etiam auctores nomina & scripta, ut ex illius verbis intelliges quæ sic habent.

Quia veritas claruit Deo inspirante, & falsitas est denotata, restat ut notatis error cum suis inventoribus, & ijs qui eorum doctrinam

nam secuti sunt propriae praesumptionis poenas exoluant, & de medio Orthodoxorum Antistitum pro sua novitatis haeretica pravitae pellantur, quam intra Christi Ecclesiam conati sunt introducere, & illibatum corpus Ecclesiae, contagione pravitatis haereticae maculare: Et quia Macharius Antiochenus noluerat definitioni Pontificiae ad Imperatorem transmissae, subscribere, à Concilio exautoratus & de Sacerdotali dignitate repulsus, probationi, ut loquitur Synodus, sanctiss. Papae traditus est. Mitto quod in aëis Florentinae Synodi refertur; Iosephum videlicet Constantinopol. Patriarcham subito morbo post cenam correptum in ædícula, in qua de more secesserat, Scripsisse veluti Testamentum in hæc verba: quoniam ad finem vite meae perveni soluturus iam commune debitum Dei gratiâ scribo sententiam meam aperte universitati filiorum meorum. Omnia igitur quae sentio & dogmatizas Catholica atque Apostolica Ecclesia Domini nostri Jesu Christi senioris Romae, ipse quoque sentio, & ijs me acquiescentem do & dico. Prosteor quoque Beatissimum Patrem Patrum & Maximum Pontificem & Vicarium Domini nostri Jesu Christi antiquae Romae ad certam omnium fidem. Quibus exarratis statim nimio timore atque agitatione correptus occubuit; inde Graeci omnes in subsequentem fidei definitionem Eugenij Decreto comprehensam consenserunt. Definimus Sanctam Apostolicam Sedem & Romanum Pontificem in universum orbem tenere Primatum & Successorem esse Beati Petri Principis Apostolorum, & verum Christi Vicarium, totiusque Ecclesiae caput & omnium Christianorum Patrem, ac Doctorem existere & ipsi in Beato Petro, pascendi, regendi ac gubernandi. universalem Ecclesiam à Domino nostro Jesu Christo plenam potestatem, tradi-

*tam esse quemadmodum in gestis Oecumenicorum Conciliorum & in Sacris Canonibus continetur. Quam definitionem cum Marcus Eugenius Metrop. Ephes. impugnare libello ad id composito esset aggressus Gregor. Hieromonachus in eum insurrexit, citatis primum duabus Epistolis Clarissimi Archimand. Theodori Studitæ : quarum in prima Michaëlem Imperatorem pro fidei dubijs resolvendis remittit ad Romanum Pontificem, ut inquit: *Per antiquam traditionem ab initio, servatum est. In altera Naucratiū sic alloquitur: Seiunxerunt se a Corpore Christi à Coryphæa sede, in qua Christus posuit fidei claves adversus quam non prævaluerunt per omne sæculum, nec prævalebunt usque ad finem sæculi inferi portæ, ora videlicet hæreticorum, sicut promisit ille qui non mentitur. Deinde in medium prolatis tertiæ Ephesinæ, & quartæ Calcedonenſis Synodorū Sententijs, sic ex hac postrema concludit cum igitur illi (videlicet Romano Pontifici) facultas sit exercendi iudicium de fide & Sacerdotibus, iure Christianorum omnium Doct. r, in definitione inscribitur.**

His igitur, breviter & compendiosè præmissis venio ad Clarissimum Claræ-vallis Abbatem, Galliæ nostræ decus & ornamentum D. Bernardum, qui in causa Petri Abailardi, quem Golizæ comparat, & Arnoldi de Brixia, quem eius Armigerum vocat, scribens ad Episcopos & Cardinales Curie Romanæ Epist. 188. Sic loquitur. *Nulli dubium est quin ad vos specialiter spectet tollere scandala de regno Dei, surgentes succidere spinas, sedare querelas. Tūc Dominum ascendentem in Cælum, cum Moyſe ascendente in Montem confert: & Ecclesiam Romanam cum Aarone & Hur, quos reliquit inferius ad Montis radices cum populo,*

populo , cui dixit : *Habetis Aaron & Hur vobiscum* , si quid natum fuerit quæstionis referetis ad ipsos : Deinde subijcit , & quoniam pro Hur & Aaron stat *Zelus & auctoritas Romanæ Ecclesiæ super populum Dei* , ad ipsam meritò referimus non quæstiones , sed læsiones fidei & iniurias Christi ; Patrum probra atque contemptus , præsentium scandala , pericula posterorum : quia vt docet Tertul. *Quæstio habet curiositatem*. Sollicitat igitur primum S. Abbas nomine Senonensis Concilij , ad quod vocatus fuerat , vt patet ex eius Epist. 187 præcedenti , Corpus Ecclesiæ Romanæ , id est Dominos Episcopos & Cardinales ; non ad inquirendum de novis fidei dogmatibus , sed ad occurrendum læsionibus fidei illatis per Petrum Abailardum. Quæ quidem fidei læsiones spectabant & ius & factum , vt patet ex Epistola sequenti ad Innocentium : vbi sic loquitur. *Novum cuditur populus & gentibus Evangelium , nova proponitur fides , fundamentum aliud ponitur præter id quod positum est. De virtutibus & vitijs non moraliter de Sacramentis Ecclesiæ , non fideliter de arcana sanctissimæ Trinitatis , non simpliciter nec sobriè disputatur*. Procedit Goliath procero corpore , nobili illo suo bellico apparatu circummunitus , antecedente quoque eius Armigero Arnolde de Brixia , squama squama coniungitur nec spiraculum incedit per eas ; siquidem sibilavit apes quæ erant in Francia api de Italia , & convenerunt in unum adversus Dominum , &c. Docet igitur Sanctus Ecclesiæ Gallicanæ Doctor , spectare ad Ecclesiam Romanam tollere hæc scandala de Regno Dei , provocat ad ipsam nominæ Ecclesiæ Gallicanæ Senonis convocata , scribit ad Innocentium Pontificem eius caput , mittens ad eum capitula hæreseon ex Abailardi libris excerptarum , qui,

ut indicat Epist. prædicta ad Cardinales & Episcopos curiæ Romanæ, omnium manibus terebantur. Quibus autem verbis Innoc. 2. Ep. 190. Alloquitur: Accipe: Oportet ad vestrum referri Apostolatum pericula quoque & scandala emergentia in Regno Dei, ea præsertim qua de fide contingunt. Dignum namque arbitror ibi potissimum resarciri damna fidei ubi non possit fides sentire defectum. Hac quippe huius prerogativa sedis. Tum paucis interjectis subdit: Tempus est ut vestrum agnoscatis, pater amantissime, principatum probeatis, Zelum, ministerium honoretis. In eo planè Petri impletis vicem, cuius tenetis & fidem, si vestra admonitione corda in fide fluctuantia confirmatis, si vestra auctoritate conteritis fidei corruptores. Ecce Sedis Romanæ, & sum. Ecclesiæ verticis in causis fidei definiendis jus assertum, per Galliarum Doctorem celeberrimum, & quasi Episcoporum Patrem, seu potius os & linguam. Iam ad factum veniamus. Habemus in Francia novum de veteri Magistro Theologum, qui ab ineunte ætate sua in arte Dialectica lustratus, nunc in Scripturis Sacris insanit. Olim damnata & sopita dogmata, tam sua videlicet, quam aliena suscitare conatur, insuper & nova addit. Sed ne cui videatur solus Bernardus ad Pontificem Abailardi causam referre. Habes apud eundem Epist. 191. nomine Samsonis Remensis Archiepiscopi, Tolleni Sueffionensis, Gaufridi Catalaunensis, Alvisi Attrebatensis, qui ad eundem Innocentium, his verbis vnâ voce & calamo scribunt. Episcopi autem qui propter hoc in unum convenerant, vestra Reverentia deferentes, nihil in personam eius egerunt. (Nota factum hinc remitti ad Sanctiss. Dom.) Sed tantummodo capitula librorum eius à Sanctis Patribus condemnata. (Ecce ex

eius libris excerpta capitula damnata, sicut ex libris Iansenij excerptæ fuere quinque propositiones, & ab Illustrissimis Gallicanæ Ecclesiæ Archiepiscopis, Episcopis & alijs vtriusque Ordinis Cleri Gallicani proceribus ad Sum. Pontificem, Innocetium alterum X. huius nominis, transmissæ) Ne morbus serperet medicinali necessitate abiudicarentur. Quia ergo homo ille multitudinem trahit post se, & populum qui sibi credat habet; necesse est ut huic contagio celeri remedio occurratis. Serò enim medicina paratur, cum mala per longas invaluerint moras. Processimus in hoc negotio quo usque ausumus? Tuum est de cætero, Beatiss. Pater, providere ne indiebus tuis aliquâ hæreticæ pravitatis maculâ, Ecclesiæ decor maculetur. Tibi commissæ est Sponsa Christi, Amice Sponsi: tuum est tandem uni viro Virginem castam exhibere Christo. Quid ad hæc mi THEOPISTE? Exemplum domesticum est.

THEOPISTE. Miror planè plusquam credideris: horum omnium consonantiam. Video Abailardum nostris temporibus renatum: video Apim quæ erat in Gallia sibilasse ad Apim quæ erat in Belgio, & convenisse in vnum adversus Dominum, & adversus Christum eius. Video non vnum, sed multos Goliz huius Armigeros: sed Bernardum inquirō. Attamen supplevit, Illustrissimorum nostrorum Archiepiscoporum, Episcoporum, & aliorum quam plurimorum sanctitate & doctrina. Clarissimorum Sacerdotum omnium ordinum zelus, qui Patrum vestigijs inherentes, pari & unanimi sensu, ad alterum Innocentium, causam detulerunt. Quid fecerit novimus. Quid Innocentius secundus Dominis Remensi, & alijs Coepiscopis rescripserit, nondum intellexi.

THEODVL. Iustum est ut illud scias. Habemus rescriptum eius inter Epistolas D. Bernardi quæ est 194. cuius hæc est inscriptio. *Innocentius, &c. Vener. Fratribus Henrico Senonensi, Samsoni Remensi Archiepiscopis, Eorumque suffraganeis. Et charissimo in Christo Filio Bernardo, &c.* Præmissis deinde quæ prætermittenda iudicavit, sic concludit Epistolâ: *Dolemus autem quoniam sicut literarum vestrarum inspectione, & missis à vestra fraternitate nobis errorum capitulis cognovimus, in novissimis diebus, quando instant tempora periculosa, in Petri Abailardi Doctrina perniciofa, & prædictorum hæreses, & alia perversa Dogmata, Catholica fidei obviantia pullulare ceperunt. Verum in hoc maxime consolamur, & omnipotenti Deo gratias agimus, qui impartibus vestris pro patribus tales filios suscitavit, &c. nos itaque qui in beati Petri Cathedra, cui à Domino est dictum & tu aliquando conversus confirma. Fratres tuos, licet indigni, residere conspiciamus: communicato Fratrum nostrorum Episcoporum & Cardinalium consilio, destinata nobis à vestra discretionem capitula, & universa ipsius Petri perversa Dogmata, Sanctorum Canonum auctoritate, cum suo auctore: nota, cum suo auctore, damnavimus, eique tanquam heretico perpetuum silentium imposuimus, universosque erroris sui Sectatores, & defensores à fidelium consortio sequestrandos Excommunicationisque vinculo innodandos esse censuimus. Ecce quid actum sit Impositum Abailardo, & asceclis ejus: & quod mirum, Religiosè observatum: nec necessaria fuit altera ejusdem Innocentij, aut successoris ipsius Constitutio Decretalis, ad compessendos tumultus excitatos: non deffensa est à quocquam adversus Innocentij secundi Decretum, Abailardi persona: nulla facta distinctio inter juris & facti quæstio-*

nem : prononciata est à Pontifice Romano Sententia in Abailardum, & in Capitula excerpta ex libris illius, per Sanctos Patres Concilij Senonensis, & sic extincta penitus heretica doctrina. Vtinā tam Religiosi essemus hac tempestate. Iam diu Ecclesia Dei pace frueretur optata, & scandalū cessasset, quod hæreticis in eorū ruinā: quod Ecclesiæ in eius dedecus: quod nostræ facultati inopprobriū nostrū subministratur. In his igitur tribus testibus stet omne verbum; maximè post Sacri Concilij Tridentini Constitutionem, quod Sess. 25. de recipiendis & observandis Decretis Concilij, has omnes lites fidei derimendas ad B. R. Pontificem omni meliori modo quo viderit expedire remittit verba eius accipe: *quod si in recipiendis aliqua difficultas oriat̃ur aut aliqua inciderint, quæ declarationem aut definitionem postulent; confidit S. Synodus B. R. Pont. curaturum ut vel evocatis ex illis præsertim Provincijs, unde difficultas orta fuerit, quos eidem negotio tractando videbitur expedire, vel etiam Concilij Generalis celebratione, si necessarium iudicaverit, commodiore quacunque ratione ei visum fuerit, Provinciarum necessitatibus pro Dei gloria, & Ecclesiæ tranquillitate consulatur: quæ omnia in hujus negotij definitione fuisse, ad amicum observata non ignoras.*

THEOPIST. Non ignoro certè, ideoque stabit apud me hoc verbum adeò firmiter, ut quod olim Goffridus Vindocenenſis libro secundo Epist. 30. Scripsit. *Libenter ausim usurpare: si pro Domini Papæ obedientia mihi iniuria redditur lator non mediocriter, & delector pro tanto Domino iniuriari, pro quo non solum quamlibet iniuriam sustinere: sed etiam pro ipso, crucem portare paratus sum: à cuius Sancta Obedientia, &*

fidelitate, nemo unquam, me separabit: Sed non sic omnes nostri aut Magistri aut Baccalarii, quos ex verbis & contentionibus putares cum Lutheranis & Calvinistis in Sanctæ huius Sedis iniuriam & ruinam conspirasse: & hoc ut opinor, vocas Ecclesiæ scandalum, ut est de facto. Vnde autem istud odium proficiscatur ignoro?

THEODVL. *Aperiet tibi, magnum illud, & antiquum Ecclesiæ Africanæ Martyrio & doctrina illustre columnæ Cyprianus Epistola ad Cornelium præcitata, in qua sic loquitur: Neque etenim aliunde hæreses oborta sunt, aut nata sunt schismata, quam inde quod Sacerdoti Dei non obtemperatur, nec unus in Ecclesia ad tempus Sacerdos, & ad tempus index, vice Christi cogitatur: cui si secundum Magisteria divina obtemperaret fraternitas universa; nemo aduersum Sacerdotum Collegium quidquam moueret: nemo post diuinum iudicium, & populi suffragium, post Coëpiscoporum consensum, iudicem se; iam non Episcopi, sed Dei faceret. Nemo dissidio unitatis Christi Ecclesiam scinderet. Nempe semper Pastoribus invident lupi, ut ijs percussis, oves dilanient. Quod autem de Romano Pontifice ad quem scribebat; hæc potissimum loquatur Cyprianus, satis liquet ex libro de unitate Ecclesiæ: ubi statim initio docet, Inde omnes hæreses oriri; quod ad veritatis originem non reditur, nec caput quaritur, nec Magistri Cælestis doctrina seruatur; quæ si quis consideret & examinet, trahit longo, atque argumentis opus non est. Probatio est ad fidem facilis, compendio veritatis: loquitur Dominus ad Petrum, quia ius Petrus. Et iterum post Resurrectionem suam dicit: pasc oves meas. Super illum unum edificauit Ecclesiam suam, & illi pascendas mandat oves suas; & quamvis Apostolis omnibus post*

Resurrectionē suā parempotestātē tribuat, & dicat sicut misit me Pater & ego mitto vos, tamen ut unitatem manifestaret, unam Cathedram constituit, & unitatis originem ab uno incipientem, sua auctoritate disposuit. Sic ergo se Sathanas cum ministris suis heresiconfatoribus gerit, quomodo olim Rex Syriæ pugnaturus contra Regem Israël, ut habetur 2. Paral. cap. 18. Qui præceperat ducibus equitatus sui dicens: Non pugnetis contra minimum aut maximum, nisi contra solum Regem. Eo enim profligato, facile omnis exercitus debellatur, & in fugam vertitur. In Canticis Canticorum Ecclesia dicitur, Terribilis ut castrorū acies ordinata, Duce prostrato ubi ordo? Vbi nullus ordo, sed confusio, cui terribilis erit? Vidi, in- quiebat, Micheas Propheta requisitus ab impio Achab. Vniuersum Israël dispersum in montibus, sicut oves absque Pa- store: revertatur unus quisque in domum suā in pace.

THEOPIST. Nunc clariùs intelligo quomodo isti no- vatores nostri, Sathanæ negotium agant, & hæreticis ope- rentur: omnia enim valdissima argumenta à firmitate Ecclesiæ petita, quibus à Patribus nostris hereses Lutheri, Calvini & aliorum confossæ, & sæpius iugulatæ sunt, iam nullius roboris erunt: quippe quæ à proprijs Ecclesiæ Pa- storibus & Doctoribus in eius jugulum retorqueantur. Vnde iure meritissimo Catholici Doctores cum Sponsa in Canticis queri possunt, & dicere: *Filij Matris meæ pugnave- runt contra me. Posuerunt me custidē in vineis: vineam meā non custodiui.* Nam cum Sacræ nostræ Facultati videatur vinea Christi Ecclesia, eiusque Doctrina Catholica & Apōsto- lica, veluti pretiosissimum depositum, ut post Apostolum loquitur Vincentius Lirinensis, fidei & custodiæ eius

commissa; jam gemens & dolens intuetur, gladios filiorum suorum in sinum suum conversos.

THEODVL. Vnum tibi profero auctorem, qui, si non primus in Gallia, saltem inter primos, videlicet ante centum annos, insurrexit, tribus libris, adversus eos, quos tum vocabant Pseudo-Evangelistas, nos modò Calvinistas aut Huguenotas; Is, omni exceptione maior, & in Regia & in Romana Curia esse debet: cum in utraque claruerit Eius libri si in nostrorù novitiorum Doctorum notitiam venerint, audacis vel mordacis potius illorum censuræ limam non evadent. Nihil hic firmius opponendum censuit suborienti tum in nostris Gallijs, & penè omnia Sacra & prophana devastanti heresi, quàm validissimam Petram Romanæ Sedis.

THEOPIST. Auctoris nomen & nobiles illus titulos quæso mihi aperias: quandoquidem est apud te tantæ commendationis.

THEODVL. Intelliges ex titulo Librorum qui talis est: *Petri Lizetij Alverni Montigenæ, utroque iure consulti, primidum hos libros componeret Officium præsidis in Supremo Regio Francorum Consistorio exercentis: nunc cum in lucem edit, Abbatis Commendatarij Sancti Victoris. Lutetia apud Poncetum le Preux in via Sancti Iacobi sub insigni Lupi è Regione Mathurinorum M. D. LI.*

TRES autem volumen istud Commentarios continet. Primû. Adversus Pseudo-Evang. Alterum de auctoritate Ecclesiæ: Tertiû, de supremi Ecclesiæ verticis suorumque Decretorum auctoritate. Pagina 187. capite primo affert rationum momenta quibus hæretici probare nitebantur
omnes

omnes Apostolos æqualis fuisse, auctoritatis: nec Petrum etiam aliquando Romæ fuisse, nedum ibi Sedem Apostolicam collocasse. Secundò sic in contrarium arguit fol. 193. Hac ipsa profecto Pseudo-Evangelistarum apertissimo delirio suffragari videntur, qui Romani Præsulis à quo omnium Ecclesiarum stabilitas pendet, non modo conducibilem, sed & necessariam potestatem & auctoritatem in exilium protrudere nituntur. Donatistarum priscorum hæreticorum in ea re imitati morem (Recordare obsecro eorum quæ mox ex Cypriano proferebamus, hanc fuisse omnium hæreticorum consuetudinem, ut hæreses suas, & Schismata incipiant à contemptu unius in Ecclesia capitis:) tum allatis plurimis Sanctorum Patrum, Cypriani, Augustini, Cyrilli, Hilarii & aliorum Sententijs, quibus Supremam Petri in Ecclesia auctoritatem, ipsumque Petri nomen à Confessione derivatum administrative esse non proprium, & à fidei ipsius firmitate desumptum, clarè, demonstrat, citato etiam Hier. adversus Luciferianos, qui docet, salutem Ecclesia in Summi Sacerdotis dignitate pendere. Cui si non exors quædam ab omnibus eminens detur potestas, tot in Ecclesijs efficientur Schismata, quot Sacerdotes; tandem capituli quinto hunc titulum præfigit. Romanum Præsulem pro salvis inveniendâ via, inventâque facilius custodiendâ, ac morum repurgamento, Constitutiones & Decrêta cedere potuisse cum pluribus rationibus ex Sacris Canonibus desumptis, cõprobatum illiusque mandata & sanctiones maximâ cum reverentiâ excipienda, observandaque fore: nec illis errorem inesse credendum, modò adhibito. Fratrum consilio, non solus illis spreto, eas ipsas Pontifex statuerit atque promulgaverit. Tum ait: Porro hoc unius Episcopatus Caput administrum, Ecclesiæque Verticem pro commissis

universi gregis directione, leges edere potuisse, & debere : eiusque
 Decreta venerando observanda cultu, approbare opera pretium
 me facturum existimaui. Et inferius: Romanum Praefulem Gene-
 rali Christi Vicariâ potestate fungentem, pro via statu leges cum
 definitivas pro fidei, vel Christiana Doctrina dubietatibus explo-
 dendis, tum pro morum reformatione & repurgamento praeceptas
 sancire, promulgareque potuisse; multa & Sacri Canonis, & Eccle-
 siasticorum Doctorum censura, simul & complures evidentes
 rationes palam faciunt, fol. autem 218 exponens illud Ma-
 thæi cap. 18. dic Ecclesiæ : Ecclesiam, inquit, ut speciali
 libro diximus, primo videlicet huius operis, Christus in-
 tellexit; non omnium fidelium Congregationem, quam ut defini-
 ret, vel decerneret convocare impossibile foret: sed illius admini-
 stros, qui eam ipsam quodam Officij typo referant. Petrus autem &
 pro tempore successor illius plena Christi Vicaria fungens potestate,
 ministerio ipso illam continere referreque videtur. Cui senten-
 tiæ admodum conveniunt D. Aug. in præcedentibus citata
 verba dum ait: quod sicut in Salvatore erant omnes causæ Ma-
 gisterij; ita & post Salvatorem in Petro, ob quod Petrus se Aposto-
 lorum Os esse dicit, ad gentibus veritatem annunciandam: viri
 Fratres vos scitis quoniam ab antiquis diebus, Deus in nobis elegit
 per os meum audire gentes verbum Evangelij. Quod hic Lize-
 tius Petrum os Ecclesiæ appellat, hoc à Cypriano didice-
 rat qui jam à me semel & iterum citata Epist. ad Corne-
 lium, sic loquitur: Petrus pro omnibus loquens & Ecclesia
 voce respondens, ait Domine ad quem ibimus? Quod etiam
 repetit Ep. 69. ad Florentium: Petrus Ecclesia nomine docens
 & ostendens, &c. Vnde pergit Lizetius pag. 219. Quod
 igitur Petrus, vel pro tempore successor Christiano populo annun-

ciat definiendo & statuendo, velut os Generale Ecclesia facere dicitur, sic Ecclesia illius ore loqui videtur. Dicto illius minime audientes vel ut Ethnici & Publicani reijendi sunt.

! Quid igitur hic supremi totius Regni Senatus Princeps, & in iure dicendo Christianissimi Regis nostri os & Prorex, modò decerneret si ad hæc usque tempora superstes federet super Lilia? an non hos, has que Regijs & Pontificis diplomatibus obistentes Ethnicos & Publicanos diceret? Huius, inquit pag. 220. citato Gratiano in cap. in Canon. dist. 19. Decreta, velut Canonica Scriptura auctoritatem habentia D. August. Reverenda & colenda asseverat. Inquiens in Canonicis Scripturis Ecclesiarum Canonicarum quamplurimum Scripturarum divinarum solertissimus indagator auctoritatem sequantur: inter quas illæ sunt quas Apostolica Sedes habere, & ab ea alij meruerunt accipere Epistolas. Hæc Pontificum Decreta Hugo à S. Victore, ad Novum Testamentum pertinere asserit, & veteris Testamenti Hagiographorum dogmatibus comparare videtur. Tandem fol. 223. Sic loquitur Illustrissimus Protopræses. Si Apostolica Sedis Decreta quæ pro omnium Ecclesiarum stabilitate & confirmatione, eduntur erronea offenderentur; ubi Sedis Petri promissa stabilitas? quomodo ab ea Fratres confirmationem recipere possent? Propterea Hieron. ad Damasum: emendari cupimus à te qui Petri fidē & sedem tenes. Cum successore Piscatoris & Discipulo Christi loquor. Ego nullum præmium, nisi Christum sequens beatitudinis tuæ, id est Cathedra Petri communione consortior: super illam Petram fundatam Ecclesiam scio. Hæc non Monachus ex Ordine Mendicantium, non Iesuita, non alius Pontifici Romano Sacramento & fidei iussione singulariter addictus, non Doctor, non

H j

Episcopus, sed Parisiensis Senatus Protopræses scribit: Et scribit adversus exorientem in Gallia Schismatis & Hæreseos Calvinianæ pravitatem: hæc & adhuc defuncti fides loquitur adversus insolentes Rabulas, & proscriptæ Regia & Pontificia auctoritate Doctrinæ defensores: Scribit tandem probè sciens discernere (ut potè vtriusque iuris Doctor) inter ea quæ Cæsaris & quæ Dei sunt: & utrique reddere quod suum est; nec ignorans Regium Galliarum Diadema, Deo solo acceptum, referre nostros reges; nec alteri quàm Regi Regum Christo, Regiæ suæ Dominationis, & administrationis rationem reddituros: quod & nos, pari fide, & solèni iuramento hîc profiteamur.

THEOPIST. Sponsum ut video nuptiarum, quibus interfuit Christus imitatus es. Nam & tu servasti mihi bonum vinum usque adhuc. Nihil enim post hæc video dicendum ad propositum nostrum: cum hoc sapidissimo Gustu libenter recederem nisi mihi verbum promississes de illa Chrysostomi vita à te citata. Quid igitur vno verbo de toto hoc scribendi Portus-Regalis genere censes?

THEODVL. Vno verbo ut rogas: *Molliti sunt sermones eorum super oleum: sed ipsi sunt jacula. Intenderunt arcum, paraverunt sagittas suas in pharetra, ut sagittent in obscuro fucatæ eloquentiæ suæ, rectos corde.* Ore, calamo & habitu habentes formam pietatis: sed virtutem eius abnegantes; eò dicipiunt plurimos, quò transferunt se in Angelos lucis, cum sint Sathanæ, quod olim Bernardus de Petro Abailardo & Arnoldo de Brixia dixit. Vix in tota antiquitate reperies hæreticum aut hæreticantem, qui non eos facundiâ ac dicendi copiâ, vi, ac suavitate vicerit. Lege

primum Vincentij Lirinenſis Commonitorium & docebit te quo loco horum lucubrationes habere debeas. *Horum*, ait *Doctrinam, eloquentiam, facundiam, ſanam licet; non tam adificationem, quàm tentationem, Eccleſia dicit.*

Quod verò ſpectat ad illos duodecim S. Chryſoſtomi vitæ libros; non illo ſego ſacram hiſtoriam, ſed antiquæ Eccleſiæ probum, dedecus, & propudium dixerim: præſentis verò ſcandalum & opprobrium: habent quidem laudem viri nuſquam ſatis laudati: ſed ab eo auctore, omnium penè antiquorum Patrum, qui ea ætate floruerunt, famæ iacturâ ventilatur. Fæces omnes illius ſæculi non alio fine in vnū volumen collegiſſe, & in hujus lucem protrudiſſe videtur, quàm vt omnes omnium temporum Eccleſiaſtici ſtatus Ordines, omni vitiorum labe infectos ac deturpatos demonſtraret: vtque Chryſoſtomum Martirem faciat, totum Orientem Catholicū, Eccleſiaſticum & ſæcularem, tyrannū illius denūciat: non illi ſancto officium reddit: ſed his omnibus, & Eccleſiæ Orientali in ſuis præcipuis membris injuriam maximam inurit. Crediderim faciliſſimè Chryſoſtomum in Cælo gloriâ & honorem coronatum, conſummata ſuæ charitatis pallio, adverſariorum ſuorum exceſſus cooperturum, ſi ipſi liceret: & nunc coopertos velle ac deſiderare: quos auctor ille imprudens publicat, ac muliercularum oculis legendos exponit. Imprudentem dixi: quia ſi non malitiâ, ſaltem imprudentiâ maximè laboravit. Tum præcipuè cū Gallicam fecit illam vehementiorem Theophili in Sanctum Chriſoſtomum jam deſunctum, orationem. Incidit ſiquidem in peccatum, quod in Hieronymo, qui

illam ex græco romanam reddidit , excusare nititur. Quid autem hæc Theophili in defunctum Chrysostomum insectatio, aut ad Chrysostomi laudem, aut ad Ecclesiæ ædificationem confert? Verbo absolvam; non le-
viori censurâ Amadæo Guimeneo hunc auctorem dig-
num censeo; cùm exempla magis moveant quam verba. Guimeneus solis Doctis Latine scripsit; hic omnibus mulierculis com-
pro, suavi & composito sermone gal-
licè loquitur. Cæterum, ut vnum Origenistam, Pelagia-
num, & Isidori Pelusiotæ Epist. 284. lib. 2. iudicio, mol-
lem, sequatur; omnes Catholicos Scriptores vitæ Chriso-
stomi deserit, ac eo auctore reprehendit.

THEOP. Fefellisti opinionem meam: Putabam enim te
vnū esse ex hujus libri Approbatoribus, & Admiratoribus.

THEODVL. Lege obsecro Doctorum nomina qui huic
operi subscripserunt: vix alios reperies omnium illarum
lucubrationum Censores, de quibus, & alijs eiusmodi in-
numeris voluminibus, hîc nihil attinet dicere: nisi forte
quod olim Lirin. Monachus, Com. l. 1. c. 16. de Nestorio
sapientissimè pronunciavit: *ut uni hæresi suæ aditum pate-*
faceret, cunctarum hæresum blasphemias insectabatur. Fuge ergo
dilecte mi, & assimilare capræ hinnulque cervorum, super mon-
tes aromatum. Non ignoras per montes aromatum, San-
ctos Ecclesiæ Patres & Doctores intelligi, quorum do-
ctrina sana, Christi bono odore, totum orbem perfundit:
sed alij sunt montes quorum in excelsis, & Reges, & po-
pulus Israëliticus immolabant, contra Dei præceptum. Hi
sunt de quibus Augustinus ait; *non faciunt magnas hæreses*
nisi magni montes, hoc est, magna & ferventia ingenia. O